

四庫全書

史部

欽定四庫全書

史部

福建通志卷三十一

詳校官監察御史<sub>臣</sub>陳化龍

檢討<sub>臣</sub>德生覆勘

總校官檢討<sub>臣</sub>何思鈞

校對官中書<sub>臣</sub>高 中

謄錄監生<sub>臣</sub>蕭 華

欽定四庫全書

福建通志卷三十一

名宦

三

延平府

晉

廖文明

字世輝，僦儻不羣，多膂力。從劉裕討賊，授北鎮右副將軍。

唐

曹朋

字仲益，固始人。中和中以汀州司錄攝沙縣。乾符初，與崇安鎮將鄧光布協謀，徙縣治於沙坡子孫。

遂附籍沙邑後光布  
以禦黃巢中流矢死

廖汾

字元清有膂力多謀畧投九江團練使  
討黃林兒賊有功拜金吾衛大將軍

五代

陳誨

建安人為南唐制置使判延平鎮聞周師  
入淮南遣子德誠率師赴難拜和州刺史

郭顯忠

固始人仕閩為錦州刺史政尚清簡以德化民  
凡喪不能舉者捐俸賻之歲歉嘗發廩以賑卒

民祠  
之

董樞

元氏人為周殿中侍御史劍州判官時李師之黨  
攻劍州樞引兵擊敗之招降數百人宋乾德初遷

主客員外郎  
判御史臺

宋

劉滋

崇安人天聖中知南劍州劍溪上流黠淡灘湍猛多覆舟滋於旁鑿港以殺其勢自是舟行無患詳

建寧  
人物

宋咸

建安人慶厯初知尤溪縣剖決無滯事重建學廟以教育諸生多士翕從詳建寧人物

葛宮

字公雅江陰人皇祐間知南劍州時延溪山多產銅鑛吏挾奸罔利歲課不登宮一變法歲羨餘六

百萬三司使上於朝論賞宮曰天地所產吾可盜之以為功乎卒不受

上官基

字子固光澤人嘉祐二年進士知將樂縣時寇吳恂起基鳩集民兵募邑人廖恩廖倫兄弟殲

之邑賴  
以全

黎靖德

永嘉人嘉祐間沙縣主簿清謹自持善理冗劇博學能文詞

林深之

莆田人熙寧間為南劍州錄事叅軍時侍御張汝賢廉訪閩部出按劍州及建安訟牒堆積聞

深之才悉委之乃一條具莫不孚允

王汝舟

元祐間知南劍州廉明無阿曲與學造士賑恤孤寡有治聲

蕭伯儀

元祐間知南劍州民來訟者曉以義理各自屏息僚屬有過則反覆善諭之俾得自新

王廷彥

字英臣廬陵人元祐間知尤溪縣縣人王象為郡都吏不輸官稅呼至示以斷案杖之監司有

疑獄悉委決漕使陳宗過境不入留詩拏洋驛云畬田高下趨春耕野水涓涓照眼明孰道深山最深處

人人解說

長官清

俞偉

字仲寬四明人元祐初知順昌縣邑人生子多不舉乃作成殺子文召父老為人所信服者列坐廡

下為置醴親酌而侑之出其文使歸勸鄉人無得殺歲活千計所舉子多以俞為小字者嘗被差他郡還邑有小兒數百迎於郊轉運判官曹輔上其事朝廷嘉之就改一官仍令再任復為立法推行一路在任兩考木生連枝木莖十二穗民歌頌焉

張溥

字道濟開封人紹聖間知尤溪縣通達吏事善剖決公餘惟親書史嘗作孝敬慈愛謙遜忠信勤儉

五善文以諭俗

上官恢

字閔中邵武人崇寧中進士知南劍州政尚寬和有時名

許安仁

字仲山少從蘇軾學詩有聲政和間授順昌縣尉甚得士民心

李綱

字伯紀邵武人宣和間累疏忤旨謫監沙縣稅居興國寺名曰寓軒不以遷謫為意吟咏自若詳見

邵武人物

謝如意

邵武人政和進士宣和間南劍州司錄叅軍時福州兵叛殺其帥擁衆數千道過南劍如意以

太守林適命往治縛其渠魁二十餘人斬之衆帖然

朱松

字喬年婺源人文公熹之父也先為政和尉丁父艱服除改尉尤溪築一室聚書其中自知卞急害

道名齋曰韋建炎四年九月十五日生文公於縣之鄭氏館舍後累官至吏部員外郎兼史館校勘卒累

贈通政大夫謚獻靖明嘉靖九年崇祀啓聖祠

許抗

南城人宣和中沙縣尉時草寇彭孫嘯集亡命阻山為固抗挺身入賊壘說而降之



吳達

字公路崇安人宣和間進士知順昌縣以禦寇功通判南劍州時三溪有九灘最險達白其事於部

庀工開鑿平之

張翥

字柔直懷安人舉進士建炎初攝南劍州事郡卒丘虞等為變捕殺之後守本州會建寇范汝為遣

葉徽來寇翥率州兵分數隊更迭決戰徽中矢死其二子復來乃與統制官任士安夾攻大破之城賴以全民立廟祀焉詳見福州人物

劉正

字道醇侯官人建炎間知尤溪縣廉明不阿紹興初建劍寇起訓練民兵紀律肅然奸民林悌鄭郁

等欲為亂執而戮之民賴以安

傅汶

仙遊人初尉清流以捕盜功改知將樂縣時朝廷為軍興鬻僧牒而責之縣他邑視產均敷汶獨遣

吏齋往三山減直而售官  
出餘直以足數不勞而辦

劉子翼

崇安人紹興間知南劍州政尚清簡摘發如神  
時州學兵燬乃卜西偏以龍津館貢院基改營

馬功成而民不  
勞詳建寧人物

曹樞

紹興間知南劍州有善政  
修學宮增置學田以贍士

李文淵

紹興間知南劍州治尚簡易民有訟  
者曉以大義使歸自思獄無滯囚

朱倬

字漢章閩縣人紹興間通判南劍州時建寇阿  
魏擁衆數千倬懸重賞募兵擒獲之境內底平

陳師孟

紹興間教授南劍州嘗曰官以教名不教則負  
名也教不本身猶不教也勵行帥士郡稱賢師

丘之立

字斯行建陽人紹興初知順昌縣時邑遭寇亂  
民多困憊之立力撫之尤加意農桑田荒者給

種與牛且寬其  
租限訟息刑簡

謝濬

邵武人紹興間以通直郎知沙縣敏捷有吏才扶善抑強凡政有不便者輒易之嘗捐俸賑平津橋

張敦頤

紹興間教授南劍州性不妄言笑讀書務明義理時學田竄入僧寺力請當路復之

嚴有翼

紹興間南劍州教授理學精邃嘗講授生徒聽者戶外屨滿

彭億

字宋延福州人紹興間知尤溪縣時鄰封盜起募精兵固守賊不敢犯又徙建學宮縣治置學田焉

趙公峴

字唐卿紹興間知順昌縣有惠聲歲歉發賑民有停柩者諭之葬貧不能舉為助其費

萬鶚

字叔康饒州人紹興間知沙縣粵寇犯境鶚率巡檢兵鑄縣尉陳以忠領鄉兵千餘迎拒賊遁追攝

逾日履險墜空昇  
還治卒民為立祠

林行可

福州人紹興間知尤溪縣時縣政蠹敝已極銓曹求勝任者諸司以行可薦至則寬徭賦修政

事凡所區畫皆可遵守

陳攄

字居益鄞縣人元祐進士紹興間知將樂縣邑俗只舉一子富室不過二子餘悉棄之攄諭以天性

中以令甲周以官錢犯者窮治自是民無不舉者男以陳名女以陳氏

熊適

字述之建陽人紹興初順昌縣丞與令邱之立同里相友善事事協濟不嫌偏私當兵亂後政無不

舉人稱循吏

趙善佐

字佐卿宋宗室嘗學於朱熹究心易理試有司中科紹興間任將樂丞奉法愛民不妄費公家

一錢來干謁者謝絕之

翟紱

乾道初知南劍州興利除害獎勸士類以善政稱

石鑿

字子重會稽人乾道間知尤溪時學校久廢鑿延古田林用中學教事而增其弟子員親率佐吏賓

客往臨之因為陳說義理又廣學宮置田市書考古制舉行鄉飲酒禮士始知學

董居安

字子安松溪人乾道間知順昌時釐法更變帑藏空虛吏請仍舊令計民產賃錢謂之綱本居

安以為賦外之歛不聽

王綱

乾道間知南劍州政洽民安寇盜屏迹公餘嘗親詣州學講經說義

李庚

乾道間知南劍州廉勤有為嘗勸義塚分男女為左右識以兩塏焉

林栗

福清人淳熙間知南劍州時州罷於銀坑之役為疏其不便詔免之詳福州人物

黃揆

字端甫三山人淳熙間知尤溪邑承弊政困

濮垣

淳熙間知尤溪廉明有吏才時  
凋敝之後凡所振刷井井可紀

宋南強

字子居山東人淳熙間知沙縣尚德化勸農桑  
興學校繕修橋梁道路幾一考解官去民立甘

棠碑於縣東初南強學於朱熹熹貼以書曰跽伏山  
間聽於道途具知政績之美竊謂今之為吏者救過  
目前不得一意撫摩之政久矣迺知有執事  
出乎其間民不告勞官無廢事是可尚也

黃種

漳州人紹熙中教授南劍州篤意引導嘗以楊  
時之學勉諸生所著有詩解及中庸語孟解

真德秀

字景元浦城人慶元間進士授南劍州判官有  
惠政會汀寇起特薦陳韡有文武才命知南劍

州兼招捕使討平之人  
以為知人詳建寧人物

連三益

字叔友安溪人慶元間知沙縣為政明簡庭無留訟

葉筠

嘉泰間知南劍州性慈惠州俗家貧生子多不舉為立舉子倉以給之

趙希佖

字安道開禧初授沙縣丞以廉稱崇學禮賢為時推重

余嶸

字景瞻嘉定初知南劍州郡儒楊時後嗣寢微至鬻其宅會郡有例券錢百餘萬嶸謝不取贖其宅

以歸葺缺漏立門巷肖時像於齋并藏其書歲遣官致祭

陳宓

字師復俊卿子嘉定間知南劍州大旱疫宓請蠲逋負數十萬且弛新輸三之一又率屬按戶給

以錢粟藥餌瓶延平書院置田以贍生徒詳興化人物

蔡念成

九江人嘉定初長延平書院學行精粹學者倚為斯文積幹真德秀授長沙帥未任亦來預講

冠履趨蹌絃誦  
之聲徹於朝夕

方大琮

字德潤莆田人開禧進士嘉定間教授南劍州  
雅重先賢封羅從彥墓上官以所昵士入學堅

拒不納後改知將樂縣式楊時廬  
偕其孫曾謁松楸又祀八賢於學

趙崇祉

嘉定間知南劍州興學造士  
親為講解經義儒風丕振

劉允濟

嘉定間知南劍州民家貧多溺女嚴戒之舉  
者給粟賑貸俗為一變得羅從彥所撰遵堯錄

八卷疏上之文  
辭斐然詔褒之

留應祖

嘉定間知南劍州廉慎有聲士之肄業  
於學者出公帑錢二十千以給膏火

朱端常

嘉定間知南劍州政先德  
化嘗救患民倉以濟凶歲



林潔己

嘉定間知南劍州強敏有才置漏澤園聽民從便安厝戒火葬及委樞僧舍郡人皆德之

陳求魯

字質甫樂清人博涉羣書尤精於易登嘉定進士史彌遠欲害濟王憚求魯乃出知南劍州吏

民相謂曰相國尚憚此人況吾儕乎時劍民遭亂創殘求魯為奏蠲租稅按治不法者內外肅然召為司封員外郎真德秀又薦之

陞左正言積階朝散大夫

趙汝造

嘉定間知南劍州時沙縣巖前鄉山僻民悍盜賊不時竊發汝造拒險立寨置帑庾養土兵以

防之患  
頓息

王潯

字景淵台州人嘉定間知沙縣政尚寬簡一意愛民民立祠於翔鳳橋

王洪之

建寧人嘉定間知沙縣廉明不阿時稱良吏

欽定四庫全書

卷三十一

傅康

寶慶初知南劍州廉慎自持建祠祀周敦頤張載程顥司馬光陳瓊楊時羅從彥李侗朱熹廖德明

黃幹諸賢籍廢祀田入延平書院以贍生徒州民有喪不能舉者為備具葬焉

黃埈

紹定間知南劍州為治嚴而有則時汀寇邱文通合晏頭陀掠將樂埈挺身入賊壘諭以禍福羣賊

降悉

趙遵夫

紹定間知南劍州政務恤民蠲逋租興學校節縮他費以其贏歸學養士

林公俊

紹定間教授南劍州博學善屬文教人以誠篤為本學者爭慕效之

劉純

建陽人紹定中沙縣主簿持身廉介斷事果決值歲大疫粥藥救療存活甚衆死者為作大塚瘞之

陳旦

懷安人嘉定武舉授忠翊郎紹定中從知南劍州陳韡平建邵寇沒於王事民為立祠

董洪

字頴實晉江人嘉定十三年進士端平初通判南劍州知州事黜役錢苗米以萬計創峽陽濟糴二

倉以待歲歉遷延平書院於遠瑯以教士設劍浦弓兵營以居軍卒士民頌之

江萬頃

都昌人丞相萬里之弟知南劍州內寬外明政教兼舉增置學田以助廩餼

李脩

臨川人嘗從黃幹遊篤信力行嘉禧間知尤溪建義廩新學宮創南溪書院俾士知所崇尚邑稱良

吏

徐元杰

字伯仁上饒人少力學從真德秀遊紹定中南省廷對皆第一淳祐初以兵部郎出知南劍州

常率郡博會諸生於延平書院親為講說峽陽寇作擒渠魁八人斬之餘悉不問寇遂平

施漬

上饒人淳祐間知尤溪遵道敬學嘗建講堂於南溪書院曰會極

欽定四庫全書

卷三十一

朱士宏

固始人宋未知南劍州節制諸軍時屬邑不靖從容撫諭脅從誓不妄殺民賴以全已而扈從

入海死難

留家劍浦

文天祥

德祐二年奉使元軍伯顏拘天祥北行太平州步卒呂武脫之於鎮江乃自温州浮海至行在

為樞密使開府南劍州募兵復邵武以泉州陳龍復為督府叅議積糧治兵計圖進取遣宗室趙時賞將一軍趨江西劉洙何時先後起兵應之空坑之敗時賞被執奮罵不屈死洙及其仲子與同殉時賞字宗白洙字淵伯時字了翁為天祥同年進士

元

趙鞏

晉雲人至元間劍州路總管時兵戈甫息鞏至一以廉靜為先尤加意學校諸生立碑頌焉

王丙應

鉛山人至元中為本路教授究心學校嘗改奉先賢列祀之祠遷正禮配享先師之位申復僧

所佔學田  
甚有聲蹟

吳林清

將樂人少卓犖有謀畧以功授千戶陞將樂尹嘗移新德廳為三華驛讓私宅為公署屢平鄧

仕明蕭良全之亂至元十八年清流賊火星等寇將樂林清邀擊於黃土墩盡殲其衆又討平泰寧賊江海等盜官廣德路同知子文讓嘗募義兵討漳州李志甫之亂死之孫克忠痛父死於寇竭家貲募兵血戰敗之殄其醜類事聞

授福建宣慰司都閫

哲伯

字朝用號彞齋蒙古人由崇安主簿擢政和達嚕噶齊凡閩中郡縣疑獄行省必屬之廉訪使按縣

至松溪輒曰不須往政和有真君在也改調南平政和士民以其政績編為泰和善政錄既至民為歌曰

真葵齋蚤不來田桑稼穡家棄孩天之腹從民欲葵齋下車悍吏逐風雨適時歲成熟僚吏士民愛敬若

父母

王益子

元貞中為南平縣簿持身廉潔以儒術飾吏事士民愛敬之

阿爾和碩

字正卿汝南人以西臺監察御史來僉福建廉訪司事分巡尤溪時民不率教和碩率屬

更弊勵學校訪耆英卹疾苦民俗一變

王璿

字元玉明州人以福建轉運司主管領沙縣事歷歲最久多善政

特嘉

字顯忠古肅慎氏裔至大間延平路同知浚政簡廉尤重文教時稱良吏

劉思禮

字季和高唐人至順中為順昌達嚕噶齊廉正嫉惡民有親屬爭財搆訟者諭之以理遂悔悟

息爭江西民造偽鈔事露妄攀平民縣吏乘機射利  
作移文追捕思禮一見印文洞知其詐人稱神君

文富

廬陵人宋丞相天祥之孫至正間守  
延平路重新學廟獎勸士類多善政

郭圭

至正間為本路學錄學  
宗源洛粹然一出於正

文殊哈雅

字貫道南昌人至正間監尤溪縣時寇難屢  
作有陳十陳合一聚黨為亂捕其渠魁置之

法餘釋不問一境晏然尤加意學校  
增置生員凡鄉社俱令立學擇師

金剛努

至正間尤溪縣簿廉慎有幹濟會邑大祿乃  
設法賑貸饑民扶良抑豪政有不便輒改之

曲惠

字順卿真定人至正間尉尤溪郡守鄭文瑞重其  
才檄攝縣事旬日間決滯獄六十餘條紅巾壓境

惠謂子師善曰臣死忠子死孝大節也萬一不幸吾  
父子當閤門殉節迺行保甲編伍法發常平賑民勸

巨室出粟贍兵倡首拒賊邑賴以全後承檄率兵抵晉安死於賊聞者痛之

陳洪至正間為沙縣尹有廉明聲民咸畏服無敢至訟庭者進士曹道振作平獄頌美之去日邑民送者

焚香  
載道

李鉉

字伯鼎至正間襲兄鈞萬戶府副職守延平擒寧化寨寇魏梅受解福州圍擊福安寇於政和泗洲

橋弗克臨死賦詩云戰敗誠宜死沉思恨復牽君親思莫報忠孝事難全埋骨應無地知心只有天孤魂托明月夜夜白雲邊又曰忍將一掬思親淚洒向西風作雨飛遂見殺事聞追贈鎮國上將江東道都閫

護軍隴  
西郡公

朱彬

崇安人熹四世孫至正間為延平路知事克紹家學士子從遊者衆譽流列郡



魯崇仁

字子元蜀人至正中為順昌達魯噶齊時公田最為民病崇仁因情立法民樂輸而弊自除歲

饑令儲粟家與衆相假貸價不翔而民無匱邑人德之

范文忠

字煥章定海人元末知沙縣造義倉築社壇崇禮儒學後以年老投牒歸

明

唐鐸

虹縣人太祖故人也嘗稱其交不知變色口不出惡聲淵德海涵若懦無為擢知延平政尚寬平民

懷其德召為殿中侍御史官至兵部尚書

胡子祺

名壽昌以字行洪武間以文學應詔授御史出知延平郡政有病民者悉去之時廳事側有淫

祠數為妖前守徙舍以避子祺命毀之更作居室其上飭教勵士以禮化民卒於官

申泰

字伯廣無為人以刑部郎出知延平嚴明多幹才鋤奸祛弊禦災恤獄士民懷之有清同劔水之譽

會入覲他郡有以贓敗者密告遍搜諸郡至延平僅得米三升鈔二貫考天下清廉第一

李顯

樂平人洪武間任福建按察僉事尋知延平長於吏事而寬厚廉明傾心下士卒於官吏民如喪慈

母

劉居信

揚州人洪武初知南平廉慎勤敏撫恤凋瘵凡百建置具有條理尤急於興學勵士

王克剛

字如之臨淄人洪武間知將樂縣政尚廉明奸蠹斂戢民得盡力於農畝

吳信

進賢人洪武間知將樂縣公恕明勤凡事裁以禮義賦役均平黠胥斂跡

朱孟常

字守常餘姚人洪武中知南平劇寇趙子貴為民患捕置之法西片河泊漁課歷歲逋負奏蠲

之江西民兵採木南平乏資糧賑之以粟時遣中官至縣催督木尚未備中官夜夢神告曰若弟去朱令

在何憂中官覺悉以付孟常事集而民不擾

陳善

夏邑人洪武間知沙縣廉勤仁愛嘗計捕馮谷堡寇吏民悅服

倪峻

字維岳無錫人洪武間知沙縣先是郡五邑稅糧悉從海道轉輸鎮東衛山民不諳舟楫多致覆溺

責令重賠峻奏請改輸福州延平二衛民甚便之

張奉先

偃師人洪武間尤溪縣主簿輕刑省役興學下士民仰之若父母

張可大

將樂人洪武間知尤溪縣廉明公直凡所措施條理井然吏民悅服

張縉

字文錫澤州人洪武間知順昌縣公平廉恕嘗開渠引龍興巖水以灌民田民呼為張公渠

黃采

字宗素蘇州人洪武間以御史改知尤溪縣先是縣用市民拘繫里胥以集事采盡釋之示以信義

事集

民安

彭脩

洪武間沙縣丞政先愛民自奉甚薄尋陞監察御史

楊忠

青州人洪武間南平縣主簿廉靜質直不苟同於人

雷誠

字誠智豐城人永樂進士授行人奉使稱職擢守延平廉介不阿政先撫字植良善抑强暴興學校

修祠字聞

譽赫然

張善教

瓊山人永樂間沙縣教諭學行粹潔師道巍然未踰年士多感化所嘗行止處人以瓊臺瓊谷

目之

陳仕淵

紹興人永樂間尤溪巡檢時邑民吳十師寇德化諸邑逼縣境仕淵與耆老葉文慎等率衆往

捕十師就戮餘黨復起力戰於羅畚場死焉

王友諒

武進人永樂間投延平府同知盡心民事剷除積弊時山寇猖獗計定四封以勞卒於官天啓

五年祀  
名宦祠

陳天祐

長陽人宣德間知順昌縣蒞治公勤門無私謁勸農興學吏畏民懷及卒囊橐蕭然

黃孟端

峽縣人正統間延平同知居官儉約郡值寇亂矢志固守與城存亡卒於官

李秉

字執中曹州人宣德進士正統間授延平推官剛直不阿郡有豪為民害秉廉其狀捕治之

張理

建昌人正統初以賢良舉為將樂丞持身廉謹蒞政寬平精於篆楷書法

陳孝軻

正統間知尤溪先是縣有貴勢例給夫馬廩餼孝軻悉裁革遂被誣父老寃之

張敏

徐州人正統間尤溪主簿時沙寇羅丕犯境率衆禦之或告以賊勢猖獗敏曰忍不救吾民耶吾盡

吾職死何憾遂先登與戰死之

丁泉

汶上人正統間衛指揮同知時羅丕寇沙縣泉率衆搗賊巢俘其酋殺獲甚多擢行都指揮僉事天

順間上杭寇起泉先登力戰死詳汀州名宦

徐昇

貴溪人正統間襲正千戶職鎮將樂縣沙尤寇鄧茂七攻城昇率沙瑛王璟翟慶等分兵拒戰設大

木抵賊之呂公車又鎔鐵汁潑之賊敗走邑賴以全事聞封武德將軍配享忠臣祠

張凱

字舜卿臨淮人福建行都司都指揮使僉事剛毅勤慎兼文武才正統間沙尤盜起勢張甚凱冒矢

石擒獲渠魁築永安城在  
官三十餘年軍吏畏服

林埜

南平人正統間沙尤寇起埜以生員自陳効力率民兵往戰至建寧高陽里遇賊鼓勇而前俘其渠

魁謝保大等一百八十餘人斬首六十餘級事聞授尤溪縣主簿適涖任賊首程茶皮聚衆劫掠埜親入賊巢諭以恩義賊遂降服

錢道寧

望江人正統間知順昌涖事公勤禦沙尤二縣寇保全一邑造船梁雙峯驛前以濟民民德之

胡欽

慶雲人景泰間繇貢士知建安通敏廉能沙尤寇作大兵征勦欽餽餉不絕躬堵捕之以薦陞知延

平府卓異賜誥勅  
歷陝西布政使

孟釗

泌陽人景泰間知延平府剛正廉明不喜諛佞會汀寇起官兵過郡需餉甚嚴釗調度有方秋毫不

民提

歐陽興

安福人景泰間知南平性簡靜先德化後鞭朴在任四載致仕歸

余寬

景泰中任沙縣主簿以禦鄧寇功擢知本縣時兵燹後田里邱墟瘡痍凋瘵呻吟載道寬多方撫恤

百廢俱舉以勞卒邑民哀之

黃謨

景泰間舉人知沙縣廉靜不擾迎母祿養盡孝母卒治喪一如古禮

杜宥

括蒼人景泰末知尤溪時邑新經兵燹宥加意撫卹官署學校皆所創建

韓隆

字德崇桐城人景泰中初置永安縣隆以國子生授知本縣凡城池學校公署壇壝一一創作秩滿

士民乃留十二年卒於官



姚泰

泰州人天順間南平主簿徵科得法愛民如子去之日行李蕭然

劉嘒

萬州人天順間南平縣丞廟學壇壝區畫有方民不知擾在官六載致仕

劉季崇

南昌人天順間將樂訓導優於學識條教嚴明常分俸以周貧士

鄧概

新淦人成化間由進士知永安公廉明斷以十條約民時鄧茂七亂後頑民踵逆取其尤者懲之又

增修學舍公餘集諸生講論士民以安

金廣

固始人正統中衛指揮僉事時鄧茂七就戮餘孽金洪三等未殄廣率壯兵追殲之賊平陞本衛同

知

金鼎臣

襲指揮同知司屯務清出匿田百畝恤軍修城有保障功五登薦剡陞薊鎮遊擊

盛顥

無錫人成化間知延平廉明果決時郡學傾圯撤而新之節縮浮費市民地構學舍數十間以為郡

士課誦

之所

沈啓

字元節平湖人繇進士歷守延平果毅明敏吏民懷畏擢湖廣叅政

蘇章

字文集餘千人成化間進士歷知延平敦教化勸農桑省刑罰大書忍字案上以自警建寶章閣

文廟東創道南祠合祀楊羅李三大儒梓行其年譜文集問答諸書會漳平寇起駐劄永安設謀勦捕賊不敢窺擢浙江叅政遽以疾卒

夏英

字育才江西德化人舉進士成化間繇南工部郎出守延平遇事明斷節儉導民禮賢下士若恐不

及有權貴鎮閩徧索所部財物大肆威虐至延英以郡小民貧為辭權貴欲辱之屹不為動民見其受窘

羣出衛之權貴懼不踰宿而去以內艱歸弘治初補知邵武採本朝祖宗行事切於初政者曰法祖復採唐虞三代事切於初政者曰師古合名治治典要以開尋卒於官

**王貫**

南海人成化間舉人知南平政務德化有爭訟者反覆開諭使自感息貧民逋租更為規措以償

**譚明**

字重麗龍泉人成化間知將樂邑湯源隆蔭二都民不服徭役明親詣其地諭以禮法衆遂聽命守

禦所屯軍以賂納屯糧為病明為力請當事用錢代米軍民便之

**周禧**

湖廣人成化間知尤溪上下供億一意撙節公事止責里甲不遣臺皂擾民有指揮某巡行他邑縱

兵獵民比至尤溪聞其風介秋毫不犯

**張泰**

字叔亨順德人成化間進士知沙縣政尚寬平案無留牘公餘每詣學勸課刻羅從彥陳瓘遺書以

昭示  
學者

鍾質

永豐人成化間任永安丞時政有不便民必以告令民或玩法召至庭諭之曰吾即貴汝長官難犯

也致仕歸

囊橐蕭然

張宸

字漢昭淮安衛人成化間順昌縣訓導教人以致知為本諸生貧者時賑恤之立身制行有古人風

年老丐去巡撫  
張瑄勉留不聽

馬昇

字廷進河源人成化甲辰進士授知沙縣改建寧建寧故無城昇始城之陞廷平同知尤溪民聚衆

數千欲為亂昇單騎往諭衆遂解散又有敘民田構鐵冶周利者悉捕置法遠潯州知府以母老乞歸

孫玉

鄞縣人成化中知尤溪洊事嚴明尤加意學校每朔望中夜正衣冠禮先師畢立諸生堂下教之

妮妮

程搢

奉化人成化間知順昌廉潔愛民不事鞭朴卒於官貧不能斂民爭賻之

王麟

徐州人成化中沙縣典史嚴於持法豪猾斂跡歲祿諭大姓發餘廩貸民凡祀典所載壇壝祠宇悉

加繕治

曹閔

字宗孝上海人進士弘治間知沙縣有治聲民頌之曰曹佛擢南御史後以論逆瑾下錦衣獄被杖

瑾誅復官

孫衍

字世延華亭人成化戊戌進士弘治初由車駕郎出守延平有盜劫財殺人縣誤以良民抵罪衍廉

其實出之一富室強橫毆人至死欲圖賄免衍捕正其罪嚴婚嫁論財死付火化者值夏旱步禱已得雨

却蓋行雨中十餘里感疾卒  
郡人哀之立永慕祠祀焉

陸嵩

字如嵩歸安人弘治初由羅源令調知南平政務便民中革祗候庫子重役興學校創齋號以造士

政暇登高舒嘯時稱儒林良吏值歲旱偕守孫衍禱雨龍湫雨至徒步却蓋行十餘里與衍同時感疾卒

民合祀之

永慕祠

江良貴

字汝思貴溪人弘治間進士知南平政務振作縣治舊在西關外良貴內遷之以便守禦召為

監察御史民立祠祀之

李熙

字師文上元人弘治間以進士知將樂建立義倉浮橋百廢具舉擢監察御史以疏忤逆瑾除籍瑾

誅復

官

方溥

字惟博新城人弘治間知尤溪涖治不求赫赫聲請托餽遺一無所受民有訟必諄諄省諭不輕置

法終任未嘗見厲色惡聲人稱長者

朱導

山陰人弘治間以舉人署將樂訓導博學敦行以身帥人士有貧者勉為解推其女將字治裝見兄

女貧悉裝與之人稱賢師

丁隆

字時雍南昌人成化戊戌進士授太平令民以丁若水頌之弘治初以御史出按湖藩得罪權貴謫

判光州遷延平同知沙寇胡天秀作亂隆率兵分討不旬月底平官終廣西副使

羅環

新淦人弘治中任延平通判有吏才事至立解劇賊犯會城環被檄部兵用計殄平不費一鏃有所

營建工速就而民不罷

李震

字大亨來賓人弘治間舉人知順昌會沙寇胡天秀侶亂邑境騷動震率子姪李文李武統民兵追

勦於大勝巷  
民賴以安

廖紀

九江人字惟修正德中知延平府嚴明為治吏畏民服未幾以憂去

歐陽鐸

字崇道泰和人正德間知延平府首崇學校置田餼士每政暇集諸生講解經義改淫祠為社

學毀祠廟燼鍾以鑄簠簋鐃爵禁治喪用浮屠與游惰不事生業者俗為一變

鄧尚義

字以正郴州人白哲有風儀正德間任延平推官守清性敏治獄明允當道才之後陞吏部郎

轉南京太僕少卿武宗欲見之曰白面郎中安在

朱應登

寶應人年二十舉進士時顧璘劉麟徐禎卿號江東三才應登與之並奮當事者抑惡之正德



中由南戶部主事歷知延平人意州郡應登所難迺  
剿焚斷錯優於其官所養亦愈淵邃仕終雲南叅政  
馬性魯溧陽人正德間以兵科給事中謫知順昌更俗  
導民禁巫風開正學民用大利久之遠尋甸太守

汪憲

字尚鑒黃巖人正德間以舉人知將樂值鄰寇  
犯境親往捍禦邑民德之製銀甲以謝却不受

羅珊

南海人正德中知永安政先愛民不畏強禦總鎮  
移文欲開縣忠雄鄉鑛以貢逼脅甚急珊抗止之

大忤使者徐俊俊誣珊殺人差官逮繫邑民洵洵曰  
使者貪利執我廉宰衆盡死之奔愬當道珊聲益著  
後擢去民為  
撰文勒石

鄭貴濂

字宗周歸善人正德中舉人知南平講陳獻  
章之學為縣興利革弊不務炫耀人稱長者

夏輯

高淳人由舉人知沙縣以忤逆瑾免瑾誅起任曲江

顧昺

字仲光吳江人正德中進士知將樂時縣半雜戎伍稱難治昺至申嚴約束有千戶集驚悍執而置

之法衆帖然尤加意學校政暇與諸生講明楊時正學諸所建除一體民隱

曾確

字子魯博羅人正德間知尤溪邑俗佞鬼確至毀淫祠黜浮屠均平賦役建義倉一十七所以備凶

歉鄰寇犯境先登奮擊擒其渠率境內以安

李鉞

字德成東莞人正德間尤溪教諭嗜學無間寒暑念士習浮靡課士必就規矩饋遺一無所受日坐

齋室敝衣糲食晏如也

丘振

字騰霄南城人正德間尤溪教諭事母藥必躬親遇盜以身翼蔽其母賊感而釋之人稱孝子

唐昭

字日章新城人襲百戶職膂力有謀正德間征上杭掛坑璋黃心畚青雲寨懸繩峯等賊有功陞本

所副千戶後又調征南靖等縣勦象湖山五雷蓮花石流恩山岡等寨斬獲甚衆復陞本所正千戶

戴冠

字仲鵬信陽州人受業何景明以詩名正德間任戶部主事言朝政三事謫五羊驛丞再起歷知延

平府夙興秉燭治事每朔望五鼓謁文廟畢進諸生講授不習者夏楚之講畢陳課考驗時謂政教兼

舉調知蘇州官至廣東提學副使

張元珠

興寧人正德中任沙縣丞邑舊有銀冶巨瑄鎮閩欲啓之元珠堅持不可乃止

陳能

字大用華容人嘉靖間由進士知延平府敏達瑰奇惓惓造士以平尤溪巨寇功陞叅政坐浮謗未

任歸

郭仁

長州人嘉靖間進士以監察御史建言出知永安  
檢核糧冊嚴杜飛詭汰里甲冗費擢刑部主事

屠僑

鄞縣人嘉靖間知延平府勵精吏治事  
上不阿不亢精白嚴正人無敢干以私

徐階

字子升華亭人初為翰林編修世宗欲釐正  
廟祀典永嘉相張孚敬緣上意請抑黜王號毀其

像設階條上三不可五不必坐出為延平推官人謂  
階自禁近外調優游養重耳階曰非王臣耶盤根錯  
節增益不淺既至連攝郡事拮据案牘清宿繫三百  
人更輸銀法毋落猾胥手毀淫祠創社學取鄉所教  
授鄧柞書燔之米宋儒格言諧叶韻語俾稍習誦俗  
翕然變時大盜窟尤溪險而四出剽郡邑分巡諸僉  
事欲屬階捕而難發言階奮任之乃設方畧懸賞格  
以授三老旬日得僑首併餘黨百二十人遷黃州同  
知當發吏民每十家具酒道旁灑泣稱觴階自為醕  
庖步行至舟貽書謝父老相率勒之石諸生追送境

外後官至大  
學士謚文貞

楊樞

華亭人嘉靖間舉人任延平推官鞠獄平恕常自  
教曰罪疑惟輕刑故無小執虛以應吾何與焉終

臨江府  
同知

伍偉

漢陽人嘉靖間知南平鄉民有避役逃匿者逮至  
不加鞭撻以溫言慰諭之遂樂趨恐後表徐貞婦

墓雪順昌民  
冤政教大行

王鈐

字子才黃巖人嘉靖間以進士令宜興改知  
將樂至則揭五事自盟約己節費不擾一民

李珉

縉雲人嘉靖間舉人任延平推官時有父訟子者  
孫曲護其父珉曰爾欲為子而不使父得子於父

何也三人相  
泣下階去

海瑞

字汝賢瓊州人嘉靖間舉人署南平教諭清節名一時其教士揭中樞剛者之辨鄉原忠信廉潔之

似古人不見諸侯之守以砥礪之叅謁上官二同僚皆跪瑞獨長揖上官不悅曰安所得筆架教官耶後聞其清節加禮踰等會學使者按臨諸生講書中藉美言以獻媚加倍獲賞瑞出斥之曰以講聖人書媚學使者他日容悅之臣必若矣即奪其賞

張燾

南昌人嘉靖間知南平諸務節省刑罰不苛當事責之燾曰吾寧去矣不以百姓膏脂承上旨政暇

吟詠  
自暢

鄧崇德

字子修高要人出陳獻章之門廉介有氣節嘉靖間以舉人知沙縣嘗作十事諭民不斤斤俗

吏所為請廣弟子員額沙邑人才為盛未幾卒士民私謚曰古廉先生

方紹魁

字三遲番禺人嘉靖間舉人知沙縣慈明亮達教民以孝弟為務邑二狐作妖入虎為患紹魁

禱神皆致殲滅人服異政

沈陽

上海人嘉靖間進士知沙縣初至官見前令以累免者數人疑為難治嚴以繩之踰數月遂一意撫

字吏服民懷擢監察御史

葉應春

將樂人嘉靖間以武試授將樂所鎮撫勦甌寧峒賊有斬獲功移鎮興化後陞都指揮僉事

蕭暘

字維寅萬安人嘉靖間以舉人任將樂教諭方嚴好古諄諄飭士邑俗相沿火葬且有久停喪者白

當道嚴禁之有同官喪子貧不克歸襯焚其骸暘曰吾方欲易俗而使僚友不能歸子乎遂捐俸助之徐文貞階時方左遷延平司理稱暘訓士可冠當世久之擢零陵知縣

林元倫

台州人嘉靖間延平通判平尤溪盜有功析置大田縣議實元倫發之

楊載鳴

字虛卿廬陵人嘉靖間進士以吏部郎忤嚴嵩子世蕃左遷將樂典史有惠聲

湯恩

武進人嘉靖中沙縣典史有幹才久得民心以艱於息嗣歎曰吾無子也錢何為但令沙民後世知

有湯典史耳去而民為立碑於雙鳳闕

裴椿

承天人嘉靖間知延平府有治劇才洞燭利弊悉心興革永安將樂素多訟牘至立剖衆皆帖然病

劇猶強起視事卒於官士民弔哭如失父母

馮岳

慈谿人進士嘉靖中知延平府杜絕奸私御吏胥尤嚴有納金魚腹中密以囑吏猝令剖魚而金見

立却之



沈盤

字大新秀水人初以進士授興化推官守吳達質訟輒詘折巨室以申細民豪猾逆守指因妄生事

以中巨室巨室苦之盤時為調解嘗署邑事直庫吏日具孟茗而已至簿疏跋燭諸凌穢一切為民惜費以憂去起知延平省坊里供應積其餘以贍驛傳散軍糧親給視之革舟梁稅什五莆延兩郡稱為賢守

周賢宣

萬安人嘉靖間知延平府山寇蘇傳等竊發親督民兵敗之浙兵經延激變闔城驚擾賢宣慰

撫之郡以無患

史桂芳

鄱陽人進士嘉靖中知延平府清介有才除吏弊卹民隱時倭寇猖獗客兵絡繹民不堪擾桂

芳下車禁戢晏然泣任旬日以艱歸老幼填巷送之

陸相儒

秀水人嘉靖間知延平府僅一蒼頭自隨時兵燹後瘡痍未起相儒至首省坊里供億邑庫役

欽定四庫全書

卷三十一

病民多至破產為條其事改徵  
折銀募人守庫全閩著為令

李文充

南海人嘉靖間舉人知尤溪縣縣地曠險盜賊  
易於嘯聚文充繕城郭嚴戍守聞警率兵奮擊

直擣山陽雪山黃認團諸砦俘  
其渠率毀其巢穴民自是安堵

戴朝恩

字東江南海人嘉靖中知尤溪初至官會山寇  
竊發朝恩嚴防守增城堞練士卒鍛戈矛貯矢

石凡火炬藥箭銃砲之類無不畢備次年秋叛兵連  
結山賊七千有奇突至薄城而攻朝恩召鄉兵獵戶  
分布四門自督防守三十餘  
日寇潰圍去以毋喪解官歸

李向陽

雅州人隆慶中以進士知延平府留心學校加  
意窮民訟至隨時剖決徭賦均平七邑愛惠

林梓

錢塘人隆慶間以進士知延平府剛介鎮靜詞  
訟立剖不事交接以嚴御屬後家居清節著聞

劉興學

海陽人隆慶中舉人知將樂會十年籍賦之期覈登耗躬委瑣振媮剔蠹節省甚多

管大勲

鄞縣人萬厯間進士以詞林歷臺諫出知延平府時丈田為害大勲令七邑均派浮苗省費數

萬

聞金和

餘姚人舉進士萬厯中知延平府廉靜不擾讞獄得情值歲大祲出帑金市外郡穀計口授糧

延平故衝疲為節省驛站坐中忌調去

陸深

上海人以國子祭酒為經筵講官故事經筵直講先送講章內閣詳定乃以講讀深直講其章為內

閣所改講罷面奏講義不洽非臣舊撰請後毋送內閣改定世宗怒調深外任為延平同知守屠僞謂深出自講帷不敢煩以郡務深曰人臣事君隨職効忠敢以崇卑異意較閱簿書鈎稽奸蠹日有孜孜暇集

欽定四庫全書

卷三十一

典常論述二編名同異錄居三月陞山西提學副使深磊落奇瑰嬉笑成文論著甚多式憲當世

吳彥

山陰人嘉靖間以御史謫官稍遷延平同知至任進諸生講學不倦有訟立判圖圖為虛

奚世亮

字明仲黃州人嘉靖丁未進士萬厯間以南戶部郎轉延平郡丞時倭寇閩或止其行世亮不

可竟單車之任日事禦寇移攝興化府適倭至圍興化世亮與武帥分城守冒矢石拒之踰月城陷猶西

南迎戰身被數鎗死居二月寇平始得遺骸於員亭事聞贈右叅議廕子給葬

趙公楷

無錫人萬厯間任延平通判清介端方釐清倉弊積所羨餘米以買官物省方里之費

林熙春

海陽人萬厯中進士知將樂通才介節刻楊時全書捐俸新學舍置廢寺田以給諸生文會之

費

文立緒

全州人舉人知將樂有惡黨號三十二天罡為地方害立緒廉得其人悉捕置法民賴以安

袁應文

字聚霞東莞人萬厯間舉人知沙縣下車進父老於庭詢所疾苦衆條以上擇而行之民有十

頌嘗以計擒臺溪盜平之擢監察御史

張陽春

字文復永嘉人萬厯中進士知尤溪以清白著嘗捐俸出贖鍰改建學宮卒於官貧至無以為

殮

李樹敏

臨川人萬厯間以舉人知順昌時山寇吳建等以白蓮教惑衆倡亂延建間樹敏晝夜設防捕

獲巨魁置之法以嫉惡太嚴掛議去民惜之合順昌建安甌寧三邑並祠祀焉

施恒言

烏程人萬厯間舉人知永安邑民健訟多越告恒言曰民有冤令不為賄奪烏用背令而誑上

欽定四庫全書

卷三十一

為察其情果虛者懲  
加三等民號神君

方震孺

壽州人萬厯間進士知沙縣有聲臨去詩云  
別我還應想春日問渠曾否擾秋毫擢御史

王繼美

字雉食江南興化人萬厯間進士知順昌潔己  
愛民庭無滯訟會山水驟發漂民舍數千捐金

募善水者操舟  
拯之全活無算

何宗聖

隨州人天啓間舉人知永安將之任其兄宗彥  
勉之曰邑令為親民之官昔賢所恨不得為者

汝勉之宗聖一遵  
其言卒為良吏

解學夔

號羅浮揚州人天啓間舉人知沙縣慈祥樂易  
待士有禮會大旱親為步禱甘霖立沛人呼為

解雨立  
亭紀績

鄒維璉

字匪石新昌人萬厯進士天啓間授延平推官內監高家駐福州激軍民變維璉會讞福州獨

持大體立草數千言疏聲其罪署將樂篆會  
洪水漂陷請蠲賦三千八百有奇擢吏部郎

周洪謨

字虞俞山陰人萬厯進士天啓間任延平司理讞獄多平反行取歷吏科給事中

陳紹美

高安人天啓間司理延平舊徵收倉米軍士蜂擁把概民苦之紹美持公平禁失耗輸者如流

王道焜

杭州人天啓間舉人知南平廉明敏捷善理煩劇以遷去聞閩賊陷京自縊於家

祁熊佳

字文載紹興人天啓間進士知南平追徵嚴革火耗令民自投櫃中仕宦往來江干舊例撥防

夫守宿索夫價名為折乾百姓苦之熊佳  
悉行汰去及行取士民遮道泣送不忍去

程子鐸

號黃輿歙縣人崇禎間進士知沙縣解額課八千兩至茶洋舟覆課沒民慮妨及考成相與輸

補恐後時  
稱其得民

程紹儒

號北亭儀徵人崇禎間舉人知沙縣有治才見城卑且壞慨然曰天下將不能無事吾不惜怨

勞與爾等增築之未暮年竣役後屢經寇犯恃以為守

王士和

字端育金谿人崇禎庚午舉人知延平府有善政明亡死之

國朝

錢嘉倫

浙江人舉人順治三年知順昌縣端嚴廉潔時土寇蠭起悉力禦之城陷投繯死

周世榜

義烏人順治三年任順昌縣典史善捕盜土寇攻城力佐邑令錢嘉倫晝夜捍禦却之尋復來

攻城陷不屈死



柴自新

字鼎臣濟南人順治三年以署守備駐防延建汀邵四郡勦殺土寇屢立戰功十年將樂縣仙

塘巨寇吳賽娘聚衆踞寨時出焚掠自新思山城險急兵難驟進遂單騎入賊寨諭以禍福俾令投誠賽娘懷疑未決乃請治具置酒要盟於小樓上併鴛其將領於下飲至二更自新拔刀奮力斬賽娘首以衣裹之從樓上大呼躍下突圍而出賊黨遂散自後累有提兵討賊功

董璘

廣寧左衛人順治三年由筆帖式出知沙縣時邑初闢民多流亡璘為勞來安集之民始有更生之

樂四年流寇攻城捍禦日久糧乏無援城陷捐軀以殉

高咸臨

錢塘人順治三年以貢生從軍入閩知永安縣時四郊多壘咸臨以寬柔撫其民明年流寇數

萬薄城下乃誓死禦之民亦樂為効命其黨梁欽相持四閱月糧盡城陷罵賊死

毛念恃

武進人順治四年以貢任延平訓導尋掌教授事郡當兵革之餘科名少輟念恃鼓舞作新文

風以振所著有尚書想四書想孝

經註四賢年譜行世遂家南平

錢楞

嘉善人順治三年隨征入閩四年委署將樂縣事會山寇吳長文謝七寶等竊發建寧失守將樂破

圍守弁已調援順昌城中無兵楞與丞方抗督領鄉勇登陴拒之九月城陷率家丁夏允中沈貴等巷戰創甚墜馬遂遇害雍正六年四月楞孫禮部左侍郎錢以埏特疏籲請奉旨贈按察司僉事廕一子入

監賜葬祭祀功臣廟

張國柱

遼東人順治四年鎮守延平府副總兵官時閩氛初定土寇蜂起延蔓八府七月建寧陷延平

亦先後被掠城孤兵寡閩郡危疑國柱從容守禦衝圍陷陣軓以身先所至望風披靡皆曰小張飛來矣

遂造  
去

王萬鑑

字人玉其先山陰人四世祖徙錢塘遂為錢塘諸生順治戊子鄉貢授福建藩幕攝將樂縣事

土賊吳揚為亂萬鑑下車給帖招徠旬日之間化寇為民尋陞萬年縣令值閩逆倡叛萬鑑赴省請兵勦滅恢復縣治持守久之請益兵為阻險計甫出北門而賊猝至萬鑑力戰以拒被砲石擊死邑人建祠祀之事聞 賜祭葬廕一子國治 贈布政司叅議

宋可發

膠州人順治六年進士八年知將樂縣值巨寇嘯聚嚴戒備冒矢石不遺餘力嘗著興革條議

六事至今頒  
為全閩定式

徐光辰

福清人順治八年舉人署南平教諭嘗修飾大成殿齋廡甲寅之變義不從逆恚嘔血而

卒

張天祿

順治九年延平寇陳統黃雲紀等分據大掛七里各處為亂天祿以福建副總兵官援勦兵次

建寧百姓來愬者蟻集佯怒遣之陰為發兵分擊諸寨擒雲紀等賊衆四百餘人趣赴演武亭斬之諸路

悉平

李生光

順天人順治間任南平縣大歷巡司甫蒞任即密訪不軌者戒以自新不孝者痛懲以法俗有

以符咒託神惑衆者聞生光至適去自是邑無姦民

錢弘業

遼東人副榜康熙十年知順昌縣潔己愛民下車即減耗米每石一斗六升民食其德

王宗聖

字象賢正白旗人康熙三年以貢知尤溪縣時遭土寇蹂躪田野弗治宗聖為剪荆棘芟草萊

葺砌城垣縣治  
譙樓以次修舉

謝象超

字恒殊安邑人康熙九年以舉人知沙縣邑田積弊主佃混淆有頑田收息而業主賠糧者相

率逃亡象超從田起賦豁絕除虛民始復業著沙陽政畧甲寅變亂奸民乘機竊發乃步行戶曉督令自

守邑賴以安嘗手授士子

訓蒙欸要一書時稱循吏

李塤

號君山湯陰人康熙九年由進士知尤溪縣精敏嚴毅吏民畏服時縣廳頽圯重新創造民不知勞

尤加意造士考課親操鉛槧不倦甲寅耿變逆黨至縣塤不為屈被執去百姓號泣擁護不得前卒及於

難崇祀福州九忠祠贈福建按察司僉事陸一子雍正五年七月入忠義祠

陳定國

號昇菴沙河人康熙八年以舉人知順昌縣俄罷孤身無僮僕士民憐之延寓於家資其衣食

會耿變起定國誓死不肯從逆士民匿之山谷中三年未嘗一入城府

張陞

字登子山陰人隨征入閩康熙十五年以功授延平同知十六年攝沙縣篆時郡邑甫脫兵火老弱

流亡山谷暴斃相枕也陞多方招集使復舊業又置大塚收瘞之尋卒於官康熙二十七年崇祀名宦

王進取

字簡修正黃旗人康熙十六年知尤溪縣時耿變初平瘡痍未起進取加意民瘼不事苛急重

建學宮捐公廨地以廣登賢路

來式銓

蕭山人康熙二十八年以建寧通判署將樂縣事折獄惟平催科有法蒞任暮年杜絕苞苴振

興文教嘗存恤宋儒楊時後裔比去士民思之

樊際盛

字景隆三韓人康熙二十年以監生知沙縣居官以士習民依為急首革役累令民各甲自輸

捐俸增葺學宮建置義學中有樂育堂環黛樓翠滴  
亭後買田以贍學費勒石以垂永久縣治旁兩池通  
水豎檻植荷花百姓目為河陽花縣  
以最擢知化州父老攀輿泣送之

章世德

池州人康熙壬戌進士二十八年知南平縣邑  
民受催役之累雖經憲禁猶未盡革世德力除  
積弊以蘇民困編審虛丁悉豁免之縣當四衝之地  
往來輻輳皆躬親支應不令擾民以勞卒於官獄中  
累囚聞之有  
號哭失聲者

袁良怡

興國州人康熙二十一年知將樂縣慈惠愛民  
始開泮池於學宮士人勒石頌之教諭許謙吉

撰文去後  
奉主入祀

蕭來鸞

號青令吉安人順治八年拔貢中順天甲午副  
榜康熙間歷知延平府與士民相接必以孝友

仁愛為訓額其堂曰體認天理每朔望躬率僚屬耆老於天寧寺宣讀聖諭六章親與解說士民環聽

咸感動鼓舞以為百餘年未有之盛舉又嘗條陳徵輸良法十六則以清餘逋上官稱善官民賴之

黃道行

瀋陽鎮黃旗貢生康熙二十四年分巡延建邵道駐延平延郡水陸交衝舊有里役大為民累

道行訪問疾苦嚴行禁革并通飭三郡永豁以休息民時遇火災親督員役赴援隨捐銀米按戶撫卹公餘詣學宮進諸生反覆辨難頻加優禮諸賢祠名勝古蹟一一修舉三郡煥然

張應聘

海澄人康熙二十八年以舉人署將樂教諭訓士先行後文值民居失火延燬文廟僅存基

址應聘立主營建鳩工庀材三載告成多士欣戴

盧承德

字克明三韓人康熙三十三年知沙縣事邑經變亂丁多故絕承德據實報銷以省民困有事



出郊備糗食自隨值他邑流寇蹂躪鄉村力請官兵  
勦捕生擒賊首杖斃之餘黨悉散其芻糧之費悉出  
俸餘捐助  
不以擾民

劉宗樞

字梅臣正白旗人康熙四十七年知尤溪縣甫  
至官即以勸學興賢為務創立書院捐俸置膳

田買書籍以資寒士邑經兵燹各圖甲有逃  
亡絕戶田失糧存悉為開除百姓如釋重負

建寧府

吳

陸宏

姑蘇人後漢廬江太守康之孫吳鬱林太守績之  
子為南部都尉有惠政卒葬於松溪之畝伏里民

廟祀之宋孝宗隆興二年以  
神過寇之功賜廟額曰濟美

王蕃

永安初為建安郡太守時創置伊始蕃築城於覆船山下建立郡治紀綱庶務厥功居多

晉

王彬

字世儒丞相導從弟與母兄廙渡江揚州刺史劉機辟為參軍預討華軼以功得侯愍帝時遷建安

太守機素力直雖居顯位布衣蔬食仕至尚書右僕射

張華

考城人為建安從事以文學推重於時

宋

華瑾之

元嘉初為建安郡守徙郡治於黃華山下即今府城

許瑤之

高陽人為建安丞去官後以綿一舫遺會稽孝子郭原平原平不受瑤之曰今歲過寒而建安

棉好以此相奉  
耳原平乃拜受

### 齊

陶季直

秣陵人永明中建安太守為政清靜百姓便之遷黃門侍郎辭疾歸清苦絕倫家徒四壁

何嗣仍

建武中為建安郡守有恩信人不忍欺每伏臘縱囚還家如期歸獄

### 梁

何敬容

滯人天監中為建安內史清公有績仕終太子詹事

到溉

字茂灌武原人少與兄洽共知名天監末為建安太守以清白自勵不好聲色與樂安任昉善

饋昉斑竹杖而已昉以詩索二綵段溉答詩曰余

衣本百結閨中徒八蠶假令金如粟詎使廉夫貪

江淹

字文通為建安吳興令吳興今浦城縣政尚文雅愛邑山水奇秀恒言碧水丹山珍木靈草皆生平

所耽不覺行路之難悠然獨往或日夕忘歸放浪之際頗著文章自娛

謝朓

梁末建安郡守時郡燬於寇因移治溪西有惠政

陳

蕭乾

字思惕齊高帝裔孫天嘉中為建安郡守陳寶應之亂闌中守宰並受署置乾獨不屈徙居郊野事

平都督章昭達以聞文  
帝嘉之超授五兵尚書

孫瑒

字德璉吳人個儻多謀博涉經史天嘉中詔瑒督舟師討平留異出為建安太守遷鎮右將軍

唐

葉顥

武德中為建州刺史會妖賊武遇作亂顥嬰城自守城陷不屈死建人立廟富沙祀之

張文琮

武城人永徽中為建州刺史除淫祠令民只祭春秋二社有惠政既去民祀之

楊齊宣

高宗時諫議大夫以言事忤旨出為建安令上元中召還會劉展之亂江淮道梗遂家於浦城

明少師楊榮其後也

陸長源

字泳之吳人建中初為建州刺史明法令均賦役課農桑修城郭設學校立市廛興廉舉孝勤

禮耆艾百姓歌之曰陸員外陸員外令我州郡泰令我戶口裕令我活計大陸使君陸使君令我

我家不分

令我馬成羣

宋仕唐

字世卿遂安人元和中進士任建陽丞公廉有守遇事通解愛邑山水風俗病革囑妻曰我有

遺愛在民即不諱可立  
族於此子孫遂世居焉

李頻

字德新壽昌人博通經史尤長於詩由進士累遷都官員外郎乾符中表乞建州刺史以禮法為治

更布條教時政亂盜興建州賴頻以安卒  
於官父老為葬於永樂川立祠黎山祀之

李彥堅

字成實建安人乾符中為御史中丞黃巢寇閩  
僖宗以彥堅閩人知山川險要命守建州未至

刺史李乾祐棄城走彥堅募民  
兵與賊戰於政和不克死之

文昭

字克明衢州人乾符中為仙陽尉時地曠人稀昭  
政敷惠洽民爭來歸遂成巨鎮黃巢入寇昭力禦

之民賴以安仙  
陽今浦城縣地

張謹

閩縣人累官建州招討使會黃巢亂賊數萬寇閩  
謹率師迎戰多所摧陷後賊以奇兵絕餉道士卒

疫困謹與偏將郭榮及諸校十八人突入賊陣斬首  
百餘級賊知矢盡援絕復奮擊自旦至晡榮及十八  
人皆死謹賸目罵賊  
死互見福州人物

蔡烜 弋陽人昭宗時以刺史謫建陽令  
遂家崇安為宋儒蔡元定八世祖

### 南唐

章仔鈞 浦城人天祐中以三策獻王審知薦為西北行  
軍招討使審知語人曰吾觀仔鈞寬仁子孫必

有厚福卒  
贈太傅

陳誨 字巨訓建安人事王審知多戰功後歸查文徽文  
徽禮之使領兵招懷散亡且數表其能累功拜建

寧節度使委以南方之事周師代淮南誨遣其子德  
誠率師赴難壽春之役諸將逗留德誠獨力戰未嘗

少挫拜德誠建州刺史改其軍名忠義以旌之十年以疾求罷乃以其弟劍州刺史謙為留後召誨還都疾甚後主親往視之未幾卒

彭璫

字武仲崇安人祖遷官至千牛衛上將軍父漢台州軍事判官璫南唐時任建州兵馬都監仕至殿

中監嘗上書請以溫嶺鎮為崇安場

宋

陳綱

同安人淳化中為建寧觀察推官奏免採茶役除諸弊政民甚德之詳泉州人物

李覺

字仲明並都人建寧通判秩滿州人借留太宗詔褒之

范雍

字伯淳河南人大中祥符初以殿中丞知崇安治尚平恕喜獎拔士類累官至尚書左丞



方偕

莆田人初為汀州判官唐肅使福建時建安多訟日數百人肅檄偕署縣事旬月而清

杜杞

字偉長無錫人天禧中知建陽強敏有才邑俗老而生子輒不舉杞使保伍相察犯者加罪俗為之

易

蔡黃裳

字叔文晉江人大中祥符進士天禧中知建陽秩滿遷去民遮使者乞再任從之

趙抃

字閱道衢州人康定初以著作郎知崇安為政本於孝悌不嚴而肅民莫敢犯日所為事夜必焚香

告天嘗出勸課見南郊土曠廢耕詢其故曰無水利也抃相地開渠濬陳灣陂引西郊水灌邑治又築隄達於星洋溉田數千頃累官叅知政事卒謚清獻至今民呼所鑿陂曰清獻渠嘗手植縣圃梅花邑人愛護為立碑銘之曰召有棠  
萊有栢清獻梅碑以石

許章

字潛通仙遊人進士慶厯間屯田郎中知建州理繁治劇著有政績朝論薦之

王鼎

字鼎臣館陶人皇祐間知建州郡俗生子多不舉鼎為條教禁止之時盜販鹽茶者衆杖而遣之吏

治最

諸郡

陳闡

字伯通仙遊人元祐間知建州歲饑境內有爭糴者令疑為盜白於州闡曰日中聚至數百人為餓

故爭食爾非盜也  
驗之果然杖釋之

陳中復

莆田人熙寧中進士為福州懷安尉監建州茶務植茶百萬本國課立辦

陳襄

侯官人大觀中為浦城主簿攝縣事聽斷威明興學勸士詳福州人物

陳逢寅

長樂人大觀間為浦城主簿有文名真德秀為作簿廳記

朱松

字喬年婺源人熹之父也世稱韋齋先生政和間同上舍出身授政和尉制治有方民賴以安嘗建

雲根書院於黃熊山麓延師以訓邑之子弟又建星溪書院於市橋南為藏修之所以閩俗多溺子為文戒之曰予聞吳道子畫鄴都之變都人不敢屠宰者累月夫屠宰且可罷况天性乎俗稍變他日邑人謂其所育子孫曰活汝者新安朱先生也父森迎養官舍卒貧不能歸葬縣之護國寺賃居以守服除改尉尤溪

翁谷

字子靜建安人政和二年進士宣和初署崇安縣事廉介有幹濟才時浙寇攻閩境谷團練鄉兵於

分水嶺置寨控扼寇不敢犯與黃端陳麟以善治邑號閩部三循吏

李德昭

字子晉莆田人建炎初知建州時州卒三百人屯廣州聞賊葉懷平徑還州或疑其從叛請殺

之德昭力言不可卒得全活後  
謝病歸民為立祠於白鶴山

辛次膺

萊州人建炎中范汝為陷建州宰相呂頤浩以  
次膺為浦城令比至賊已焚邑去於是披荆棘

坐瓦礫中輯吏民糾丁壯治器  
械扼險阻號令不煩民皆稱便

章服

字德元其先浦城人宋初徙家永康紹興中進士  
以朝請郎知建州軍糧久不給羣情洶洶服至郡

爭拜馬前時公帑緡錢不能三萬服徐謂之曰第歸  
伍得一月次第給矣立案稅籍得豪民奸胥要領及  
期軍需沛然於是省教  
條寬科索吏民信服

韓元吉

字無咎潁川人紹興間知建安縣用廣而賦嗇  
乃貿遷鹽醴以佐其費推建寧守表率端莊加

意學校創修郡志以軍  
興調發功轉朝奉大夫

朱藻

處州人紹興間以進士知浦城延者宿詢民隱政事一決於己公暇則召屬吏訓以詩書法律三年

戶稅倍增陞  
江陵知府

吳美中

紹興間浦城令政洽人和即舊治鼎新公廨重建文廟楊時為之記

謝邦彥

紹興間知浦城歲旱竭誠祈禱以詩投百丈山龍湫中甘雨立應

方旬

莆田人紹興間通判建寧渠魁范仙桂嘯聚騷動境內旬討平之

陳俊卿

莆田人紹興間判建寧與梁克家王淮皆名重於時詳興化人物

汪應辰

字聖錫玉山人紹興中為秘書省正字以言事忤秦檜出判建寧以廉潔稱

朱敏修

字大父閩縣人紹興間崇安尉時獲盜二百坐死者七十餘人敏修曰饑民剝食耳安可盡繩

以法悉除其罪不以徵賞

留元圭

字粹中永春人以承奉郎知建安獄有重辟久不決元圭一閱案即得其情又均徭省訟治績

最為

陳良翰

字邦彥臨海人隆興中知建寧府良翰在臺府時歷詆奸倖直言無隱士論重之乾道初徙福

建轉運副使

諸葛廷瑞

字麟之南安人乾道初以左宣議郎知崇安縣時朱熹方家食廷瑞登門請益以師禮尊

之又重創縣治修葺文廟祀趙抃胡安國於學宮累官至侍郎詳泉州人物

蕭之敏

字敏仲九江人乾道間知建陽廉靜易直不務赫赫名以邑中先儒游酢陳洙陳師錫皆有學

行可師為立三賢祠祀之以勵後學

洪邁

字景廬番禺人紹興進士淳熙間知建寧府威惠並行富人無睚眦殺人乘間竄獄者久拒捕邁正

其罪跡流嶺外累官龍圖閣端明殿學士

張大經

字彥文南城人初為禮部尚書屢請祠孝宗曰卿公廉必能為朕牧民以徽猷閣學士知建寧

府

趙彥繩

福州人淳熙間以宣教郎知崇安學舊無田彥繩覈廢寺田二頃有奇給之朱熹為之記又重

修學宮後為

江西憲使

曾賀孫

字景卿晉江人淳熙中由懷安簿薦知崇安下車首蠲合戶錢歲二百萬邑罹水災募舟濟溺

為粥哺饑發義倉貸民自輟餐錢償之會朝廷遣使巡行民遮道言狀以勞卒於官

陳震

字省仲晉江人進士淳熙間知甌寧歲旱勸賑捐俸為倡民賴以生後遷大府丞

袁采

字君載信安人淳熙間知政和持己廉謹惠澤及民縣有小路通寧德羅源民利私販而官鹽弗售采為設法分鬻以給歲計所著有政和雜志及縣令小錄又著睦親處己治家之法曰袁氏世範行於世累官至學士

傅子雲

字季魯金谿人遊陸象山之門其學務明善知本言行動中規矩淳熙間為甌寧簿決訟必傳

經義人服其學

鄭僑

興化人紹熙中知建寧府以公錢為下戶代夏輸又力請蠲諸縣版帳之太重者光宗為胡正臣曰



使人人如僑民力其少紓乎尋移知福州

陳居仁

莆田人紹熙間知建寧府值歲饑出儲粟平糶弛逋負巨萬代輸畸零商稅有因告糶殺人者

會赦免居仁曰此亂民也釋之恐復為惡遂誅之

呂祖慤

萊州人蒙正八世孫祖謙從弟紹熙間知政和以廉正著

姚耆寅

會稽人慶元間知建陽以聖賢之學興士捐金購六經子史等書以充學宮而世儒所誦科舉

之業不與聞邑人稱前令蕭之敏賢耆寅嘆曰嚮往舊矣吾洵忝居後塵也遂肖之敏像合祀於三賢祠

朱熹

為記

儲用

字行之晉江人進士慶元間知建陽有惠政朱熹亟稱之累官值文華閣

林澧

仙遊人嘉定初以宣教郎知崇安  
芝生縣圃雙蓮並開是歲大稔

傅壘

字仲珍泉州人父伯成嘉定中知建寧府有治聲  
後壘以宣教郎知崇安增學田築舊堤創廣惠倉

父子繼美  
人以為難

李訖

嘉定間以數文閣待制知建寧府建抵延津中流  
多石觸人舟俱糜陸行則沿岡險峻訖捐俸伐石

為塗萬五千餘丈又建  
造四橋民免涉水之患

史彌堅

字固叔嘉定間知建寧府行義倉法真德秀為  
文記之以兄彌遠久相數勸歸不聽遂乞祠

朱況

字伯荀休寧人慶元進士嘉定間知甌寧時財計  
窘乏況措置有方足國利民為八縣最郡守史彌

堅特薦之有模

忠許國之褒

趙必愿

字立夫餘干人丞相汝愚孫嘉定間以承奉郎知崇安剖決如流修學校立催科法革鬻鹽弊

建繼賢橋濬星陽陂力主義役之法朝廷下其式於八郡秩滿去民為刻石立祠祀之

林士尹

温州人嘉定間以宣教郎出知崇安政平訟理禁暴戢奸遷知賀州

趙崇萃

福州人嘉定間知崇安愛民禮士捐俸置學田又請佃西林興福二廢寺租折納餘羨以助養

士

田克恣

字安叔進士嘉定間松溪主簿決疑獄抑僥倖節浮費政績甚著終知汧州

趙善鄖

信州人寶慶初以宣教郎知崇安政尚嚴明人號趙鐵面紹定二年汀州寇亂邑當孔道善鄖

應給軍需不擾而集

葉時

字秀發括蒼人寶慶中以顯謨閣學士知建寧府清心飭躬以治以教修廣學舍培養士類

劉克莊

字潛夫莆田人寶慶中知建陽首闢朱熹祠化行政舉時稱循吏

鄭思忱

字景千安溪人紹定初以宣教郎知崇安喜讀書雖聽訟不釋卷俗吏多迂之有謬於州者移

浦城丞時真德秀方家食與語知其賢乃言於太守復其任

陳韡

紹定中以福建招捕使兼知建寧府有平衢寇功詳福州人物

孫夢觀

字守叔慈谿人紹定間知建寧府蠲租稅省刑罰郡人徐清叟蔡杭以為有古循吏風

袁甫

端平間知建寧府郡屯左翼軍本備峒寇招捕司移之江西甫檄使還營俄寇作即調討之寇賴以

平

王埜

字子文金華人嘉熙間知建寧府陞辭理宗命之曰游胡朱真風流未泯表厥宅里以率其民則予

汝憚至郡開館迎致廖德明門人鄭思尹蔡元定孫模使校朱真二先生遺書修游酢胡安國祠創建安

書院祀朱熹而以真德秀配享復立齋舍以思尹與模典教事文教大興

陳洪

字禹範南安人嘉定進士嘉熙間通判建寧攝府事兵燹之後痛加撙節郡計以裕真德秀薦其可

用

王遂

淳祐間以寶章閣直學士知建寧府兼管內勸農使節制諸軍事文學武事有聞於時

包恢

以建寧守袁甫薦為府學教授監虎翼軍募土豪討石塘寇淳祐間提點福建刑獄兼知建寧府有

惠於民

馮端榮

字景莊福清人淳祐間知崇安勤恤小民綸樂施棺嘗書平易近民四字於便廳

鄒誠

字惟信固始人進士淳祐中建寧太守振廢理冤興學作人尋以賦役繁重嘆曰吾何忍戀戀一官

急催科以困小民即引疾謝政築精舍於郭西天湖山因卜居焉

洪天錫

晉江人淳祐間通判建寧值大水發常平倉以賑民詳泉州人物

葉夢鼎

字鎬之寧海人寶祐間建寧太守決疑獄建驛舍作大安關政績懋著

林天瑞

字子輯温州人景定初知崇安建諸賢祠於學宮創太平西橋闢人戶助綱錢給孤貧錢米以

慈惠稱

劉漢傳

字習甫會稽人景定間知崇安禮士愛民嚴於取吏重建縣學置先賢祠田租立豐惠倉撥舉

子米以贍孤  
貧邑人祀之

**鄭格**

福清人理宗時為建寧司理豪貴有強取官地為屋者格力爭之同僚謂之曰千年常住一朝僧何

自苦如此格曰寧壞一朝僧莫壞千年常住卒復其地於官

**家鉉翁**

蜀人咸淳間知建寧府兼轉運副使後簽書樞密院事元兵次近郊鉉翁不署降表宋亡旦夕

哭泣不食者數日放還  
號處士賜齋皆不受

**元**

**鄒巴延**

字從吉高唐人至元初崇安縣尹崇安大姓田連跨數都細民糧僅升合配役不均小民重困

巴延以糧多寡勻之趙清獻陂歲久湮塞巴延督濬以資水利連歲大稔時稱為循吏首調判泉州

游欽

字敬仲應祥子至元間建陽尹為政寬嚴迭濟勤撫字緩催科以身為邑保障民久而懷之

任德用

許州人至元間從宰相索多入閩留鎮崇安時當兵後極力撫循軍還俘掠甚衆德用請釋男

女五百餘口草寇融動五夫里率軍平之民感更生呼為任佛摧昭信校尉領銀符兼縣事子孫遂世居焉

楊靚

至元間崇安尹廉慎公勤愛民如子時和買木棉布限嚴數夥靚區畫有方不擾而辦先是平黃寇

之亂民妻孥俘者甚多靚亟移所屬咸得釋還兵後廬井蕭條靚招徠勸相漸復舊觀

李榮昉

汶上人至大間松溪尹簡重有節操時經兵後田賦紛更奸黠隱藉逃脫昉不亟發其奸惟以

禮法勸誘悉皆自首



瓜爾佳壽

女直人延祐初崇安尹縣西梨嶺路險隘行者苦之山壽鑿為坦途又修建縣學士民頌

焉

劉沅祖

字濟川至治間崇安尹先是清獻陂多暴潦壞堤沅祖於分流入陂處設石閘旱則納流漲則

拒之民呼濟川閘

彭好古

字德明維揚人泰定初崇安尹每朔望及公餘輒率諸生詣學講經史立惠民藥局修廣惠倉

作亭覆趙井遺刻

按都拉

色目人至順間建寧路總管廉勤愛民修學崇祀勸勉生徒

吳楚

字方叔高安人至元間浦城尹以廉能稱救荒禦患活人數萬民號曰生佛

陳天錫

福寧州人由進士為建陽尹重修廟學集至聖及從祀諸賢封號勒碑大聖殿前以示後

之學

者

彭廷堅

字元臣瑞安人至正初由進士知崇安鉛山寇犯關廷堅防禦甚嚴寇遁去嘗有蝦蟇至廳事

若訴冤狀廷堅使人隨之出果得屍蓋其妻有外私而害之者遂正其罪擢建寧同知會江西寇攻建陽廷堅率民兵克之又進平浦城十二年攝僉都元帥府事與邵武路總管吳阿勒坦布哈夾攻邵武寇屢立戰功尋節制邵建二路諸軍遇害卒

瑪蘓庫

色目人政和縣達嚕噶齊廉善有政聲嘗因土產厚薄定本縣租稅則例分為九等起科民深

之便

阿爾斯蘭

色目人至正間為松溪達魯噶齊禦寇撫民興學勵俗以良吏稱嘗以大府徵至邵武土寇乘

間據縣斯蘭亟請兵歸平之浦城寇池元甫犯境斯蘭單騎諭降未幾復寇松溪斯蘭率壯士襲殺元甫

隣邑

恙安

辛思謙

進士為建陽尹工文詞勤吏治見澤宮兩廡傾圯飭工庀材捐俸新之在邑慎刑緩賦以惠愛

稱

葉景仁

松溪人至正間為浦城尹率民兵捕盜被執不屈死其子雋傾家貲募壯士從間道入賊境殲

厥渠魁載其父屍以還事聞授以官不受

吳元芳

浙江人至正間浦城尹守己清廉愛民下士歲旱親禱甘雨隨應

孔楷

字魯林衍聖公洙子至正間崇安尹以陳有定寇亂攻城拒戰而死遂葬將村之游嶺

陳君用

字子才南平人初汀寇犯郡君用集鄉壯保鄉里又累破紅巾諸寇復被陷郡縣以功投建寧

路同知紅巾又圍福州君用自建寧率兵來援大敗賊衆遂引兵踰北嶺至連江累戰中鎗死事聞贈懷

遠大將軍副都元帥封潁川

郡侯諡忠毅詳延平人物

瑪哈穆特

回回人為政和尉法令公明盜賊屏息寇入拒戰弗克被執瞋目罵賊賊怒剖其腹腸出委地

猶罵不絕聲  
追贈關隸伯

揭法

豐城人侯斯之子元末以廉訪僉事治建寧陳友諒兵下杉關圍建寧吏民相繼出奔法部勒散卒

得千人激以大義衆皆感泣乃命總管阮德柔督戰屢捷城外有黃華山高瞰城內法作層樓蔽之又鍛

鐵為鍊鉤儲水櫃於樓下及寇據山以火攻樓曳以  
長鉤水沃火滅復備濕薪枯蕪萬束城下寇穿隧入  
燎烟於隧薰死甚衆相持逾十旬樵蘇俱絕法乘寇  
怠夜椎牛醢酒激勞將士皆踊躍出戰老弱鼓譟城  
上法戎服出陣親冒矢石自寅至午焚其三柵是日  
福州援兵至賊大奔敗諸將上其功於朝格不敘後  
仕至刑部侍郎洪武初  
召拜官稱疾不仕卒

## 明

**沐英**

字文英鳳陽人幼從太祖起淮南勇畧過人洪武

初以廣武衛指揮使隨征建寧城降掌衛事會尤  
溪賊亂英率兵掃巢穴開拓府

城重建城西平政橋三年召還

**胡禎**

襄陽人洪武初知建寧府正直方剛不受私謁府  
治舊寓建安縣禎改建於宣化坊學校倉庫廟壇

皆為鼎新

施仁

蘇州人洪武中知建寧府掾履端莊精於政治吏民畏服

裴冕

壽光人洪武中知建寧府廉靜公勤愛民禮士去後郡人懷之

芮麟

字志文宣城人洪武間以薦授知建寧府首詢學校激勵諸生省民瘼恤孤窮訪求先代名賢子孫

俊秀者俾入學郡有上下關衛分兵戍守小人倚奸利為商旅苦麟疏其弊以聞詔罷戍兵置巡檢司鎮焉郡庠災卜地重建規制一新秩滿赴京以病卒時麟父就養郡舍亦卒喪不能舉民爭賻之

郎子貞

杭州人洪武間任建寧推官慎默端嚴視事無寒暑早暮推謙詳審決斷公明擢大理寺評事

張鵬舉

鳳陽人洪武初知浦城縣留心學校建大城立城隍廟及山川社稷壇時稱循吏

郭伯泰

洪武中知建陽縣受民好士時有經過軍旗為民害伯泰執付獄以事上聞賜勅褒嘉

陳敏

永嘉人洪武間由舉人知建陽縣慎刑均役興學勸士歲歉發粟賑濟天旱齋禱一雨三日歲以大

稔

余子恭

金谿人洪武間由進士知建安縣廉潔勤敏剪除奸弊四境肅然捐俸重建廟學堂廡一新

曹端

華州人洪武間以常州同知左遷崇安令當官廉勤置二簿書民善惡而勸懲之修墜舉廢興利除

害善政為諸縣最官

至雲南布政使司

張宗顏

冠縣人洪武間知浦城公勤廉恕吏不敢欺嘗平舊城遺址以廣民居民甚德之

徐瓚

吳縣人洪武間知浦城先德後刑吏民畏服歲旱躬禱於百丈山甘雨隨應

史志可

寧波人洪武間知浦城政尚寬和刑罰不施而奸宄屏息崇學校修講堂齋室文教聿興

李子春

山東人洪武間知政和在官三載妻躬執爨而身勤政務夙夜不懈惠及於民

陸鎰

洪武間任建陽丞明敏有方畧與令郭伯泰同劾害民軍旗擢福州通判

裴思明

淮安人洪武間浦城縣丞禮士恤民勤於政事躬詣旁邑招復流移民無失業

呂昭

浦城縣丞縣故多荒地昭捐俸市穀給無產者使

藝其地而不責償民以富庶永樂中陞沁州知州父老持金為贈却弗受至杭貧不能具舟楫道出徐州

天寒尚未挾纊子旦成進士遺書戒之曰苟不能廉終非吾子死亦不散汝祀其清介如此

許穆

上饒人洪武間政和縣丞有惠政以廉潔著秩滿行李弗具取磁石以供資斧



邱松

洪武間建陽主簿嘗新學校手書白鹿洞書院學規於明倫堂壁以示學者

周斌

字質夫寧德人洪武間建寧教授謹厚雅飭動循矩度郡人士以文學顯者皆其造就之功秩滿擢

國子監司業

張矩

字孟方隨父伯巖任崇安巡檢因晝讀劉屏山諸賢遺書通五經文章敏鍊書法精絕洪武間以薦為崇安訓導多方善誘學者歌之

曰前載後杖有美孟方匹無斃

劉敬

字思恭陝州人永樂間以兵部主事出知建寧府方正廉勤崇重學校修明祀典郡中稱治擢貴州

參政

史常

字元亨溧陽人進士永樂間知建寧府淮政五月吏畏民懷同僚苦其制縛忌之遂拂袖歸楊士奇

稱其廉厚  
號為賢守

陳永

深水人永樂間建寧推官治獄  
平允私謁不行推本府同知

張準

字平軒崑山人永樂間知建安達於吏事歲饑請  
以鈔折糧及蠲戶口鹽稅停補軍役以甦民困

黃裳

字迪吉番禺人永樂中知政和值歲歉勸  
民輸粟賑貸自捐俸以償之民賴不饑

徐信

字彥實和州人弱冠襲父職為建寧右衛指揮僉  
事永樂間以擒尤溪寇擢福建行都司指揮僉事

洪熙宣德時屢有勦賊功正統十三年鄧茂七亂勢  
猖獗逼城為營信使人偵賊虛實以報習爽分兵三

路進破其營  
斬獲殆盡

湯盤

宣德間建寧推官為政得民九載  
考績民赴闕奏留擢本府通判

張瑛

建德人正統中知建寧府時鄧茂七餘黨逼郡城結寨剽掠瑛率典史鄭烈會都指揮徐信分兵襲

之斬首五百級拔其寨掘右叅政仍掌府事復與其季父敬提兵搗賊巢與茂七黨林拾得陳保遇力戰

死之事聞

贈按察使

何俊

字志高金谿人初為浦城丞廉平果斷正統己巳處州盜屢侵縣境俊築城塹備器械率民兵拒之

賊不敢入既而奉檄往崇安賊乘隙來攻俊馳間道歸捕斬百餘以功擢知本縣重修真德秀西山精舍

擇其子孫之賢者奉祀

事學士劉儼為之記

江顯

字顯仲建昌人正統間知政和下車首革里胥濫徵之弊民有賂顯求私採銀礦者却之歲歉勸民

出粟賑饑

王亮

山西人正統間福建行都司都指揮使時沙尤盜起亮率軍入高陽里為賊所陷被執罵不絕聲遂

害過

吳剛

汝寧人以忠勇自勵征麓川有功擢福建行都司都指揮僉事正統十三年討處州賊葉宗留偕弟

祥挺身殺賊沒於建陽

沈訥

吳縣人舉進士景泰間任福建僉事督理松溪銀場有才畧時官臺山寇猖獗訥親督軍討之夜襲

其巢身被二矢一鎗戰盡力士卒皆踴躍思奮寇遂以平侶議立縣凡開山通道勦基營署悉所經畫民德之與都御史劉廣衡並祀報功祠

劉鉞

字仗德安福人忠愍球之子天順間以兵部郎出守建寧雅好作人建甌寧學及朱熹劉子翬胡安

國祠人稱儒吏  
遷廣東叅政

喬銘

趙城人天順間知甌寧廉明剛介誠信不欺值歲饑勞心賑恤治行為諸邑最成化中賜勅旌異以

考績卒  
於道

戴騶

字致遠祁門人成化間知建安除避繇詭籍立義塚撤淫祠作養濟院以憂去民思之

項旻

字崇仁瑞安人成化壬辰進士知建陽新學舍旌孝節禮先賢立義塚政平訟簡俗為一變以外艱

去民圖  
像以祀

海澄

字靜之南海人進士成化間知建陽重儒敦教廣設義學省賦清刑無科歛追呼之擾尋擢御史

張銳

字退之江都人成化間以進士知崇安有智數仲冤理枉興利除弊官終副使

熊瑞

廬陵人成化間知崇安政尚威嚴吏民畏之鑿陂置倉公私充羨

劉珩

字文鳴上虞人成化間以進士知浦城初至邑有巨豪犯法司府不能致急之恐生變珩設法擒之

學廟久圯珩庀材飭新尋以憂去

楊惇

字載之六安人成化間以進士知浦城有逋寇時出為旁邑害都御史張瑄檄令搜捕惇親搗其巢

穴寇悉就擒以卓異薦官至光祿卿

扈子賢

梁山人成化間政和主簿涖事廉勤尤注意學校講堂齋廡修葺一新建尊經閣號房出燈油

以資貧士有逋盜二十餘人叅議陳渤以屬子賢數日捕得之署建陽縣以耿介聞

賈鉞

字良金安陽人進士弘治初歷僉事分巡建南道風裁凜然武弁斂戢平反疑獄民咸稱服

沈瀚

字東之歸德人弘治中知建寧府仁心為質約已便民再上計值逆瑾用事使人謂瀚曰予我千金

可叅藩即分守建寧瀚笑曰吾無千金獨有捐二千石耳遂投劾去

於珏

嘉善人弘治間由進士任建寧同知革清軍紙價黜政和貪令天旱禱雨誓城隍曰三日不雨當共

鑽未幾甘霖滂沛歲以大稔

龔球

浙江人弘治間建寧通判崇文禮士潔己愛民禁革耗米謹飭蓋藏倉庾常盈力行保甲詰奸捕盜

境內肅清擢九江同知郡民至今懷之

許旦

字景輝開化人弘治間以進士知甌寧持廉秉公不事聲色而紀綱肅清尋以風憲徵入京師

胡璋

字資禮增城人弘治間知甌寧敦尚風節一切論報務期得情不阿上官意去日民遮道贈一錢

不受

張津

字廣漢博羅人進士弘治中知建陽嘗自銘其屏曰寬一分民受賜一分取一文官不值一文邑有

逋負鬻妻孥者津捐俸代納歲荒多方賑恤流賊犯境誓衆死守邑賴以安尋擢御史官至兵部侍郎

鍾韶

字大韶東莞人弘治十六年以進士知崇安撫字心勞明信字下每與民約曰吾無下鄉之役符下

汝等即當赴縣符有火字宜夤夜而至民無爽者或問其故民曰入衙門不費錢而情得又何爽焉邑多盜韶下令諭其改行三月而盜不息乃嚴捕黥惡者斃於獄奸宄屏息外戶不閉每巡行廛市小民潔器獻茗止與取啜問其疾苦若家人父子然正德中以才調繁改知長樂縣後陞刑部主事

鄧應仁

字子榮南海人以進士知浦城弘治初處州賊竊發仁躬督拒戰賊遁去擢禮部主事



徐以貞

長山人弘治間以進士知松溪政尚威嚴事至立斷凡奸民衣食於縣者相率避去自浦城至

松溪二百餘里涂徑崎嶇行者病之以貞開闢斲石遂成坦途還知霸州

柴曦

字德輝建德人弘治間知政和均賦役完城池修學校造橋梁立關隘葺舖舍邑事犁然

蕭乾元

字必克萬安人進士正德間由監察御史遷僉憲分巡建寧嚴毅方正摘伏如神秩滿軍民垂

涕遮留前旌不得行

季本

字明德會稽人正德間以進士司理建寧值宸濠反江西本白所司請往守分水關歲當大比巡按

御史檄建寧守與本入闌本曰守土與閱士孰重今江西勝負未可知土寇竊發叵測誰與守此守深服其言踰年土寇果起古田諸縣間所司檄本治之獲渠魁韋八等又用間掩捕餘黨悉平召入為御史

趙繼英

祥符人正德中以進士知建安為官清苦食惟藿韭時鎮守以貢獻剝民英悉請罷免

邵函

字宗周東陽人正德間以進士知建陽邑糧多被豪家飛詭函立法清丈沿坵履畝纖毫必析夙弊

一清增置學田盡毀淫祠擢入為御史

孫懋

字德夫慈谿人正德間以進士知浦城時徭源峒寇起浦邑震動懋於竿嶺靖安各要害築寨立柵

申調軍民備禦有法御史李如圭薦為縣令第一

陳槐

字公甫鄞縣人正德間以進士知松溪濟荒撫盜具有成績時逆瑾用事巨璫奉璽書至諸令長畏

懾槐不為動聲譽赫然擢刑部主事

閔魯

字宗道南昌人正德間知松溪易廢寺田建學學成而民不費姚淦為之記稱其張弛有經

袁洪愈

字抑之長洲人進士嘉靖間分巡建南道僉事時雖承平不弛戎備練兵選將大有先聲後官

至吏部

尚書

舒春芳

字景仁鄱陽人進士嘉靖間分巡建寧道兼轄福寧州時海寇猖獗承平日久民不知兵春芳

簡練有素遣將防禦寇遂遁去

詹珪

字朝璋鄱陽人進士嘉靖初知建寧府時兩衛預備倉穀歲久斗級坐累珪請以易月糧抵銀官民

便兩

錢嶸

通州人進士嘉靖中知建寧府時庫子夫保差役煩重民有千金產為之立盡嶸力為調停去冗剔

蠹閭郡德之

張鑑

成都人進士嘉靖間由南御史出守建寧守正不阿案無留牘猾胥皆為斂手民有心清若水吏畏

如神之謠

程秀民

字天毓衢州人進士嘉靖中知建寧府倭寇肆毒秀民有捍城功仕終雲南叅政

楊一鶚

字子薦曲周人嘉靖間知建寧府篤於造士所識皆名雋時山海寇起調發廣兵所至剗掠一

鶚區畫有方郡境帖然累官兵部尚書

朱奎

南昌人進士嘉靖中守建寧實心為政剔奸豪影蔽濫免之弊又創社學義倉重修通都橋民永賴

之

吳國倫

字明卿興國人進士嘉靖間建寧同知與督學宗臣副使余曰德汀守徐中行皆負時望國倫

訓迪士類娓娓不倦清戎伍戢  
奸宄備倭寇一郡恃以無恐

**徐棡**

常熟人進士嘉靖間建寧推官用法平恕所鞠  
大獄必求其生不得然後按法官至都御史

**符驗**

黃巖人進士嘉靖間以御史出守常州復以忤當  
事左遷建安知縣一僕自隨布袍糲食風裁矯然

尤注意學校建學舍講堂躬自講藝籍廢寺田以贍  
諸生邑有鐵冶往往以採礦致寇驗條陳罷之仕終  
廣西憲使民思其德  
即其講堂專祠祀之

**斐天祐**

淮安人嘉靖間以進士知建安邑里中每十年  
編役曰斗級曰庫子曰夫保往往傾民貲產天

祐立條十二事嚴濫額謹庫支一時應  
役如出湯火咸舉手稱慶曰真吾天也

**趙熙靖**

武進人進士嘉靖間知甌寧明敏有風裁尤留  
心戶口嘗嘆曰十年編役與其重役於一朝孰

若均輸於每歲與其重任於一人孰若分派於各甲議上未果行其後為徭綱四差條編一式皆其遺績

父老猶傳

述其事

陳希文

錢塘人進士嘉靖間知甌寧丰神溫粹言動謹飭嘗曰耗頭革則稅易完詞訟簡則刑自清吾

當與民休息一時目為安靜吏

項錫

字秉仁嘉興人嘉靖間以進士知建陽建宋賢祠廣儲倉庫延四方名士為邑弟子師遷刑部主事

薛宗鎧

字子修揭陽人進士嘉靖間知建陽崇節義禁妖巫戒溺女陂渠津梁咸為修舉歲歉豁省全

年丁料擢給事中以論太宰汪鏐廷杖死贈光祿寺少卿

馮繼科

番禺人嘉靖間知建陽工詞賦勤吏事在任九年以循良著聲

李思寅

字子衷潮陽人進士嘉靖間知建陽邑經兵燹民困輸徵思寅白當事釐革倍納之例嚴懲健

訟惡習有剽盜殺人攫金遠逸以方畧捕治之課士興行教民行朱熹鄉約在任六年邑大治擢刑部主事

潘勗

字勉夫博羅人嘉靖間知崇安嘗立義學於四門聚童子之秀者擇師訓之朔望令詣學宮從諸生

後講習揖讓一時人才蔚起

郭瑞

大庾人嘉靖中知崇安清簡公直去之日百姓釀金以饋瑞笑曰醋味酸其性難變竟不受

余鋹

遂安人進士嘉靖初知浦城雅尚慈惠薦調候官民歌曰公來浦民得所去不復民何怙

陳思謙

揭陽人進士嘉靖間知浦城簡易嚴正人不敢干以私務安良善獄無冤民

盛周

字文郁秀水人進士嘉靖間知浦城政尚持平請托一無所受修南浦登瀛二橋坑塲寇起築柵守

禦以奇兵擣其穴悉就擒

黃金

休寧人嘉靖間知松溪遇事英發區畫得宜修城拓學復湛盧書院凡倉庾橋梁解署之屬莫不葺

治

史起醵

江都人進士嘉靖間知松溪崇修學校振起士風松溪人文實山此始

周尚友

字望松貴溪人嘉靖間以舉人知政和壬戌倭寇攻城尚友躬蹈鋒刃督民堅守四十日援兵

不至城陷死之一家皆遇害事聞贈寺丞

徐九經

貴溪人嘉靖間政和丞倭寇圍城與知縣周尚友堅守援絕城陷同死



蔣蒙

字山泉瓊山人與海瑞同鄉相友善嘉靖間任建陽教諭性節儉食僅脫粟衣敝不堪所入俸錢悉

以周窮乏給喪葬卒於官廩無餘貲喪不能歸聞者悼之

彭汝賢

字希之安福人嘉靖間任崇安教諭好讀書盛寒暑弗輟與諸生辨難剖析如流在學舍粗衣

淡食免饑寒而已後遷大理評事

余永麟

鄞縣人嘉靖間以舉人署浦城教諭博學淹通著有禮經衍義纂說為後學指南奔父喪空囊

跣足歸縣令憐其貧厚贍之卻不受官至松江同知大學士有丁其子也

徐鳴鑾

江山人嘉靖間政和訓導潛心理學有講餘集一卷學者稱丹臺先生

徐作

字汝念南昌人進士隆慶初分巡建寧道少年秉憲沈潛練達一方肅清崇邑有豪逆燔父屍獄久

弗決作一鞠得情建議改福寧州屬巡海道而以延建邵為建南一道民甚便之

楊沂

南充人進士隆慶間建寧同知清嚴持重而捷於應機時方濬湮濠立義倉建社學多藉其力士民

至今思之

徐大任

字覺齋宣城人進士隆慶間建寧推官澹泊自持闔署蔬水抵任及去惟圖書衣衾二篋而已

所鞠刑獄全活甚多官至工部尚書

郭子章

字相奎泰和人進士隆慶間建寧推官廉明仁恕綽有風裁建雪冤亭讞斷如神後官至巡撫

余乾貞

字秉智遂安人進士隆慶初知崇安簡重得大體時有倭警四封戒嚴乾貞增築邑城上十二

事以資捍衛召拜侍御史氏為立去思碑

朱璉

字璉吾新淦人進士隆慶間知崇安性聰察發奸摘伏豪右斂跡清浮糧修社學治行最著擢侍御

史

張封

字汝登餘姚人萬厯間分巡建寧道紀綱庶務條理井然值丈量民田封綜覈主持民賴不擾

莫睿

字思卿錢塘人進士萬厯間分巡建寧道恬澹守正吏民畏服有奸猾包糧致軍丁鼓譟睿立擒倡

首者置之法

屬境肅然

許天贈

字南台黟縣人進士萬厯初知建寧府坦率清靜毀淫祠宗正學舊濠為民湮沒設法開濬民

甚賴之

張淳

字懷琴桐城人進士萬厯中知建寧府敦大體捐小過正己率屬雅勤造士初為禮部主事嘗斥張

居正奪情之  
非名重一時

龔道立

字應身武進人進士萬厯中知建寧府時有積

出解之浦邑有邱明者殺四命詞牽生員劉一貫父

陳見龍

潮陽人萬厯間由永春令遷建寧同知清苦自

其子來省啓視筐  
笥惟書籍而已

時一新

海州人萬厯初建寧督糧通判諸倉使具報紅

發之事畢矣餘  
悉以存官庾

嵇汝沐

字仲新德清人萬厯間由舉人任建寧推官署

多所  
平反

應朝卿

字行叔臨海人進士萬厯中知建安英敏有才  
剖判一如素習當路有大獄多委之決調繁晉

江兩地賢聲大  
著徵入內臺

胡玠

字元聘休寧人進士萬厯中知建安為治以明敏  
稱嘗捐俸新甯宮置田養士歲早預立義倉民恃

無恐官  
至知府

陳睿謨

字鹿革武進人進士萬厯中知建安  
性仁厚不為峻法累遷至湖廣巡撫

曾士彥

瀘州人進士萬厯二年知甌寧年少才高凡所  
剖決出人意表力行一條鞭之法甌民尸祝之

擢吏  
部

顧允元

字鳳山崑山人進士萬厯間知甌寧在官五載飲冰茹蘗郡城災四門俱燼允元悉心救護民

賴以全子錫疇以編修典試闕省有知人聲

駱駿曾

字象先武康人進士萬厯中知甌寧勤敏愛民又建讀書林於光孝寺之左公餘載酒饌課文

其中與諸生講論至夜分而罷一時名俊多出其門

易應昌

字白樓臨川人進士萬厯間知甌寧立催科聞甲法民深便之郡大水漂溺無算應昌多方拯

救饑者賑粥死者瘞埋擢御史去萬家流涕立祠祀之後為都御史以言事忤旨逮赴市曹會大風雷赦歸

項應祥

遂昌人進士萬厯中知建陽邑民頌曰抱案吏立冰愬冤人向鏡尋以艱去仕終都御史

魏時應

字澹明南昌人進士萬厯間知建陽寬嚴並濟周悉民隱凡有利於民者無不為之又修建學

校集諸生課文親加評定以示鼓舞

梁鵬

字冲宇順德人進士萬厯間知崇安政簡刑清愛士恤民堂署一聯云庫無耗頭里無私派鋪無當

行望鄉耆訪聞相告吏怕沈案差怕索錢民怕健訟期子姓敏德還淳擢戶部主事歸餽粥無餘垣屋不治編竹自蔽足跡未嘗及戶外

林一煥

字仲瑩台州人萬厯間知崇安天才明敏簿書積案一覽無餘決獄精當遠近稱神君焉

史弼

字企魚金壇人進士萬厯間知崇安耿介儉樸以課農桑勤教訓為首務逋負一清頑民改轍

顧士琦

字惺涵太倉人進士萬厯間知崇安治尚嚴肅豪猾不寒而慄嘗捐俸成高程洪濟諸橋調繁

晉江旋  
擢諫垣

儲昌祚

宜興人進士萬厯中知浦城性高亢不屑逢迎晨興堂上一吏抱牘決剖無餘

劉一燦

字南奎南昌人萬厯間由舉人知松溪值大水城圯一燦出積穀佐以俸廩築之民忘其勞又

發穀賑饑請蠲租稅士民謂萬厯以來仁廉稱首

張應圖

高淳人萬厯間知政和有改造邑城功

丁可成

餘姚人萬厯中浦城丞邑多流寓植黨武斷或一家搆爭則羣起煽亂甚有潛聚窰冶殺所仇

投烈火中者莫可窮詰會可成攝縣家搜捕窮治其害始除

施仁

龍溪人萬厯三年任建安教諭以倡道學振人文為己任嘗曰舉業即是正學不必分講學摘文為



兩事創青雲樓開鳳泉井修學舍賑貧士大有功於學校以薦擢龍門令詳漳州人物

鄧以誥

字汝欽新建舉人萬厯間建陽教諭以立命之學訓諸生遵朱熹舊所卜地移學宮於妙高峯

下

何喬遷

晉江人萬厯丙子舉人任建陽教諭與多士倡明理學邑人立二賢祠與鄧以誥同祠

余承詔

字允恭南昌人萬厯間建寧府訓導精研理學身體力行與弟子講解不倦尋引疾歸

孫朝讓

字九芝常熟人進士崇禎間任建南道歲饑奸民聚衆強貸朝讓調度得宜奸黨始戢大旱冒

暑步禱梨山甘霖大降山寇吳崇等為亂受撫後復萌異志朝讓檄行各縣於除夕殲之民賴安堵

許孟卿

常熟人進士崇禎間建寧推官清心寡欲介石自勵署建安篆撫字勤勞卒於官啓其篋惟徹

欽定四庫全書

卷三十一

衣數事僚屬為  
殯殮士民哀之

柯元芳

字楚衡嘉善人進士崇禎間建寧推官仁恕明允多所平反九庠諸生一經品題皆為佳士所

刻校士錄  
海內稱賞

詹兆恒

字月如永豐人進士崇禎初知甌寧民居失火延燬學宮兆恒躬率諸生趨烟焰中抱先師木

主出以帑絀不能興工捐俸倡復聖廟兩廡及櫺星門立月庵書院於明倫堂右黃道周為文記之尋行取去

柴世埏

字蓮生仁和人崇禎間以舉人知崇安為政明敏清惠時有逋賦者需妻以償世埏惻然曰爾

賦宜完爾情  
可憫贖歸之

閔及申

字園客烏程人冢宰鴻學之子舉進士崇禎間知松溪清介明達不以門望自高兢兢守職豪

猾憚之又嚴禁邪教妖人歛跡時有冰清之號

錢嘉徵

嘉興人崇禎末知松溪在任二年政有條理間井安之先是天啓間嘉徵以明經赴銓部疏斥

魏忠賢其畧云請清官府之奸以肅聖明之治謹陳逆璫十惡堪擬四凶之誅其膽氣如此

丁辛

字又三武進人進士崇禎間知浦城甫下車周視城垣曰浦當七閩上游控帶江浙城可勿計乎濬

池甃石增高三尺民至今賴之又立義倉正阡陌設由單法以均民稅刊真德秀大學衍義以授後學

劉明孝

字午雲山陰人進士崇禎十四年知浦城會白蓮教作亂奸宄隱伏城中為內應明孝方以迎

春會宴聞報即指揮將士登陴密授鄉勇方畧從間道出賊就擒每夜自行巡察奸宄以次伏誅

鄭為虹

字天玉江都人進士崇禎末知浦城年少而才能治劇明亡與建陽黃大鵬同死之為虹有女

五六歲逃匿民間有欲買以為妾者女艷然曰安有縣令女而為人侍妾者乎後嫁農家事翁姑以賢孝聞

崔攀龍

臨潁人明末建陽知縣視民如子明亡死之

蔣茶

常熟人進士崇禎間知建安直道不阿樸忠自許時山寇鴟張荼飭備軍械綢繆未雨巨璫肆焰秉

正峻拒不為少動擢赴容臺佐理部務去後民思之

國朝

楊兆魯

字巖瞻武進人進士順治間分巡建寧道有風裁值大兵繹絡夫役繁擾兆魯力為節省時山

寇四起與營帥協勦  
之八邑至今誦德

李繡

字文素儀徵人順治初隨征抵建州駐防浦城時  
山寇出掠建陽謀襲浦東昞爽薄城繡揚旂鏖擊

於萬安橋畔斬獲千計趁月迅驅復斬渠魁常甫等  
九人餘黨解去會妖僧王祁揭竿郡城屬邑多陷乘  
銳趨浦繡躍馬周行境內謂爾曹無恐城以內不局  
門自戢而譁於塗者視吾劒城以外不聞鼓直前而  
縮於陳者視吾劒揮刃先登以三百人破賊數萬衆  
軍聲大振孤城以完暇日創營房構粵王臺葺朱子  
祠梓楊大年文集以勞  
瘁卒於官民哀思之

張朝國

金谿人順治四年知松溪時兵燹後民多散處  
市井一空朝國招集流亡結以恩信咸歸復業

嘗自署其廳事云以名教為樂地登赤子  
於春臺後鄮西兵起遇害邑人皆為垂涕

沈字建

錢塘人順治四年知政和縣山寇陷城被執罵不絕口死之

高光國

寧晉人順治丁亥進士五年任松溪知縣治尚和緩以禮賢愛士為首務邑人建有才祠祀之

潘沂

樂陵人順治六年任建寧府同知值寇盜紛擾人民流散學宮解舍盡為灰燼沂多方招集予以安

全葺治學宮以彰文教歲饑力倡捐賑匪類白頭賊等即時解散督收浦邑關稅釐革積弊至今遵為定例詳免里長買鹽銷引又購買城西山地設義塚飲葬遺骸十年擢知本府會勦海大兵入閩駐浦邑養馬沂親往調度馬蕃息而民不擾制府稔其才調赴省會監造戰艦勦滅海逆沂之力為多云

殷應寅

字一生滕縣人順治七年知崇安壬辰寇圍城七晝夜設法固守城賴以全後擢銀臺猶為邑

民請減鹽引民至今德之

高虎

字高樓安塞人順治八年由將材協防建陽有警力善騎射劇賊陳德容聚衆萬餘猝逼建城城外

男婦數千襁負號呼當事將不納虎曰此皆居民耳目素悲忍委之鋒鏑耶親立城門招使盡入引兵百餘開門迎戰賊見其鋒銳莫敢對壘四面圍之虎孤身挾弓且戰且罵矢盡力窮遂被執賊親解其縛長跪請為寨主虎厲聲斥曰我朝廷守將肯為寇耶罵不絕口而死賊感其忠義葬之後邑人數見其戎服登城巡視為立祠祀於嘉禾里有禱輒應

郭玳之

字巨公舞陽人順治十年知建安邑當兵燹之餘哀鴻未集玳之加意勞來流亡漸復供應軍

需多方措辦不以擾民暇則課士拔其尤者以勞卒於官士民哀之

謝祖悌

字友公會稽人順治十三年知建寧府鎮卒張文龍等以缺餉為名擁衆鼓譟祖悌正色諭之

不敢動既而文龍等入踞南鄉衆惶駭祖悌密請巡道李元萃約署建協王之綱擒縛正法郡賴以安尋擢湖廣岳州道士民塞道扳轅不忍其去

韓士望

字有聲淄川人進士順治十三年知崇安時兵燹相仍四野弗治絃誦莫聞士望招撫復業又

捐俸新文廟建書院延塾師以教誨之催科聽民自納崇當孔道夫役繁多士望處置從容咄嗟可辦一時士庶有神君之目

孫開先

字箕麓高郵人順治十四年任建寧推官讞獄多平反案無留牘禮士愛民循聲茂著後以讞

周亮工獄事逮繫父老哭送之

沈鱣

字木門嘉善人順治辛丑進士康熙八年知建安縣後遷應州知州性峭介自奉蔬食不御綺穀兵



燹後土田荒蕪蠹胥巧為影射民苦之鱗廉其實窮  
治不少貸先是藩廝焰灼以錢貸窮民勒息數倍私  
禁撈掠有鬻妻孥以償者官目怒而莫能制鱗曰愛  
一官而脅於輿隸使民無告吾恥焉卒捕置之法民  
心大悅

喻三畏

奉天人康熙八年任建寧同知十三年耿逆難  
作三畏在郡與福州知府王之儀侯官知縣劉

嘉猷千總廖有功同遇害事聞贈按察  
司副使予卹廕三十五年特祀九忠祠



福建通志卷三十一